

淮
海
英
靈
集

淮海英靈集

鄉人阮元輯錄

繆

樵

字曉巖一字海峯泰州人

澧南少司寇沅之季子雍正己酉欽賜舉人乾隆壬申署任太平

府左州知州事地隣交趾海峯慈以濟嚴頗稱良吏丙子引年歸丁酉卒年八十有二著有自怡集一卷

庚子春楚游早泊西梁山登最高峯名曰天門因賦長

歌

大江逆上波光騰梁山萬仞盤崢嶸蒼藤刺袂紛糾縈飛鳥
徑絕難憑陵攬身碧落峯高撐天門詖蕩開帝庭舉手似摸
春天星俯視石磴紅泉清白雲縹渺逢山僧自言住此六十
齡山路陡仄無人行江濤怒薄懸厓鳴夜深元猿啼杳冥夷
險不一視所經旅人念此心屏營爐煙且勿談三生劃然長
嘯青天橫

謁湘山寺

壬申春余奉州念先公證前世

命之粵西三月朔舟抵全

李景賢往遊焉出西門里許卽湘山寺歷石級百二十
十層轉東南卽無量壽佛塔內供聖像係肉身古銅
色漆地有活機嵌銀錠踐之鏗然有聲由塔入殿有
主人常在忠孝是佛額最後爲御賜藏經樓
按寺爲定南親王重建僧云湘老和尚卽佛寶號種
種靈蹟詳湘山志中噫先公歸道山已二十四年於
茲矣香火前因山河綿邈撫今追昔
愈難爲懷歸舟燒燭成七古一章

春風吹船來全州卸帆冒雨同清遊西瓦窰邊日新霽千林
格磔啼斑鳩路出西門行略約湘山寺影從天落百級延綠
鼓勇登苔痕淨綠沾芒屨祗樹盤翠露蒼榦斜陽古塔穿叢
薄遊人陟磴凌高空大筏三千額其閣此寺相傳昔王創無
量佛住宗風暢煙穗停爐避已遲天銀著膝鏗難傍解脫常
超風火輪跏趺依舊毘盧樣垂去珠眉雕漆光鸞來肉髻金
精相寺僧指點說當年摩尼寶氣橫空懸夢中早結三山緣
徑山飛錫塵情捐食鷄遺跡江流湔擺落幻網紛糾纏黑雲

夜出森如磐祥光五色空中鶯禽吟獸吼崇山巔霜鋒霍霍
飛梯聯南油百斛膏火煎馭風遊戲眞神仙

十二句皆樂指
湘山志中事

我有片語向僧告寂照工夫寓元要不愛拈花悟去來只教
揮塵談忠孝憶昔先公證前世呱呱墮地鍾靈異暫撇香林
五蘊空曾摩寶頂三生記鐘魚舊業已飄煙卅載猶參清淨
禪搗殘藥臼單居日嚼盡紅霞欲曙天心空及第耽幽趣挈
音擬訪湘山去樓閣華嚴未許彈萬頃湖波杳煙霧

先公校
士三楚

擬遊湘山寺以
地轄粵西未果

旗常勳烈終麟炳身如蟬壳從頭省憑欄往

事一沾襟羈孤淚灑風旛影竭來宦海趁浮名香火因緣話
此生昏鴉拍拍日西墜靈山欲別難爲情冰花凍筍誰參透
花開恰是春時候前劫搏沙意黯然山河千古人非舊

陸

震

號種圃與化人鄭板橋
變之師有詞集行世

荅胡修來

故人短札問狂夫，擬買蓑衣作釣徒。肯到清秋來看我，大都船在鯽魚湖。

早起

最畏閒窗暑日侵，綠蘿煙徑不嫌深。清晨自理新藤蔓，補滿

東南一角陰。

喬

榘字柏鍾寶
應生員

擣衣篇

疎櫺月上梧桐影，飄然一葉落金井。庭砌颼颼發素颼，淒清
漸覺羅幃冷。佳人獨夜起，文茵愁對銀缸淚。滿巾風緊霜寒
衣未授，愁心長憶戍邊人。掩泣開奩出縑素，持向瑤塔步薄
露沈沈碧落淡。星河隱隱朱欄藹，煙霧含情拂石理。容光穢

秋風生散冷香急杵哀鳴驚宿鳥飛英錯落滿羅裳幾番搗
罷嬌無力倦倚紋砧望空碧一夜征鴻漸向南花閒隱約銅
壺滴撫繚凝思倍悽然白嶺烏蘭路幾千來日封題憑寄遠
可能直寄到三邊

周邦堅

字豈麟號玉
立揚州人

題張孝烈傳後

賊兵來呼出走我走父棺誰與守賊揮刃奮白手手斷父棺
不可剖賊殺父兒血嘔父先殉祖兒敢後賊舉火僕掣肘僕
身爲主爭虎口賊回心棺徙牖火滅主斂僕碎首嗟乎天柱
高等培塿皖水深不盈缶只有此父此子此僕三人常不朽
別峰菴訪心耕上人

雲臥一僧冷門開亂葉黃非心同槁木肯住此茆堂竹外天

爲壁堦前石作牀鉢孟隨藥洗猶帶野花香

管

鑰字司北號還淳江都人選長子增生

雨中同程紫舍賦

岑寂坐秋雨迷離一望中淡煙籠野寺薄霧暗江楓愁向人前減詩偏醉後工所嗟長作客離思與君同

管

緒字一清貴選次子諸生以子贈文林郎

病中雜詠

苔印高賢履紛來訪病身咸憐沈約瘦還念阮修貧得食頻分味將花欲寄春孤雲依處士何以慰芳辰

管

一潮字青來號對江綸之弟六子乾隆壬午恩貢生工制藝著詩集一卷

廣州許君度以十橋詩見示

春風楊柳酒濃後寒月梅花夢覺時誰識橋邊許了卯十橋

春水賦新詩

管一澄

字練江號春林
江都人鑰子

僧菴避雨

院宇塵緣淨到門
苔自封春銷三逕
雨禪試一聲鐘
古杞根生犬蒼松
影化龍
雷連生
戀意三宿未從容

朱

賽字祈年寶應生員
著有青苔居士集

友人見示漢上游草

人從漢臯至詩帶楚江秋
歲月嗟頻改文章屬遠遊
高風黃鶴笛香草白蘋洲
我欲浮蘭槳佳人不可求

朱

輅字賓旭寶應人諸生承叔父止泉講
授沈潛於宋五子書沒後遺詩一首

觀田家刈禾

雞鳴田父起
亟亟收田稔
然燈各啟戶
陽烏光未生
婦子煮

淮海菜靈集

戊集

卷三

四

藜莧羣餐喧豆棚，忽忽結伴去仰視。秋雲橫連朝，天氣佳場圃築已成。風月晚林下，碌碌村村鳴。

方

嶂

字謙山，號可邨，儀徵人。工詩。歿後，孫觀左輯其遺稿一卷。

秋江漫興

江上誰招楚客魂，騷人幾度憶王孫。無時不採東籬菊，有興還傾北海樽。遠渚疎煙昏樹杪，近洲寒浪洗蘆根。鯉魚風起

秋光老，紅蓼重重水一村。

詹履政

字正也，號檄堂，居甘泉西鄉。陳家集。精于醫，雅歌彈琴，著檄堂詩鈔一卷。

西樓晚眺

薄暮登高閣，窗開對遠山。餘霞隨日墜，歸鳥拂雲還。遠道秋煙薄，荒村古木閒。一聲清磬響，知出竹菴間。

蔣宣書

字亮懷，號察樓，甘泉貢生。居邵伯鎮，隨父任卒于鳳陽。年三十三，有察樓遺草二卷。

舟子歎

赤日不避羲和鞭黃茅匝地火欲然一人哀號衆人應舟子
力挽長淮邊長淮洶湧不得上主人怒目何賄賂食君食兮
服君使生死竭蹶爲君前沙堤石子嚙雙足血流十指草頭
濺男兒無錢筋骨賤瀕危誰復相矜憐君不見官客揮扇蓬
窗下兀自淋漓汗盈把

集彭澤句題陶吾廬先生歸去來館圖

先生栗里人元亮二十七世孫

素襟不可易斂翮遑來歸衆鳥欣有託孤雲獨無依於何勞
智慧孰敢慕甘肥先師有遺訓千載不相違

方宅十餘畝不知幾何年伊人亦云逝飛鳥相與還密密堂
前柳依依墟里煙啟塗情已緬心在復何言

開荒南野際息駕歸園居非爲卜其宅吾亦愛吾廬鄰曲時

時來聲名同翳如養真衡茅下過此奚所須

在昔闢南畝長吟掩柴門行行至斯里暖曖遠人村久在樊籠裏而無車馬喧託身已得所寧向俗中言

余

漢字天章號楷園又號我齋如舉人善飲酒五斗不亂家貧不受人餽遺賣文爲活年六十恬然以終

著者有楷園文集我齋存草四宜軒詩隱香亭詞若干卷鄉人稱爲文介先生

與友話舊

故交翻喜作新知爾我垂髫鬢總絲可記廣陵同逆旅梅北
遂弄倚歌時

潘遇莘

字繼耕寶應人乾隆丙辰舉博學宏詞是歲中式順天舉人官廣德州學正吳江縣教諭著有樂軒

集

友人自廣陵病歸見過卽別

不見相如繫所思廣陵病似茂陵時最憐臥看平山月却喜

歸吟草閣詩過我軒車難久駐從茲花逕與誰期年來亦是傷秋者且共臨岐酒一卮

潘遇龍

字臥南寶應增生工韻語佳句有夢裏故鄉僧白髮燈前細雨客黃昏烟和日抱孤村腰水接天流

一艇來

贈采茶人

春煙春雨共霏霏杖履悠然向翠微直入前山蘿薜去行蹤
幾處鷓鴣飛閒將野夢畱僧寺時染輕嵐上草衣我品中冷
泉味在迢遙雲外望君歸

歲暮東石公

頭白蒲團鎮日閒渾忘歲月更闌珊苔生滿逕人無跡水定
空潭自閉關雪裏疎鐘寒出寺雲邊凍雀早歸山此中領盡
禪滋味拈得梅花一解顏

潘夢舉

字築夫寶應人雍正乙卯拔貢乾隆丙辰順天舉人

秋月

秋月清如此讀書開草堂一身疑坐水滿地欲飛霜病鶴依人瘦哀鴻叫夜長匣中看劍在隱躍接蟾光

潘夢龍

字禹門寶應人乙卯江南丙辰順天兩中副榜著有芋羹堂集

旅夜寄內

一燈孤館軫鄉思凍雨簷牙滴自遲莫怪今宵無夢到漏殘猶是未眠時

月夜渡江

江上濤如雪江頭月似霜一帆風瑟瑟百里夜茫茫遠岸漁燈出高城畫角長空濛天水合無處不秋光

潘

恕

字書思夢龍子生員

僻居

僻居人不到未夕掩柴門古屋秋陽冷荒庭怪石躡年華嗟
逝水心事付深樽短榻孤燈裏愁吟欲斷魂

春情

睡餘拭卻淚闌干簾下筌篲獨自彈燕子乍來花又謝一庭
風雨送朝寒

少年行

當筵歌罷拂吳鉤笑擲金錢下酒樓日暮灞陵原上獵風沙
飛滿黑貂裘

姜會照

字昌鹿號南園一字蒼麓乾隆辛酉副榜任安徽
蕪湖縣教諭四川奉節縣知縣著南園詩鈔一卷

由富陽至金華舟中作

歷歷沙禽語蕭蕭野岸秋一時孤櫂發相對遠山愁烏柏飛

霜葉白蘋香晚洲括蒼遙極目擊汰聽吳謳

范捷

字越三
通州人

弔古塚

野棠幽淚濕荒墳杜宇殘紅共苦辛見說壺中猶惜別焉知
地下不傷春牛羊滿目無青草風雨銷魂有路人寒食年年
應夜哭粥香餒白不需唇

辛酉長至從弟安國以羔裘相餽作此簡謝

江縣冰霜酷似刀伶仃七尺裹絺袍殘年作客空皮骨異地
逢君賤羽毛披後大疑今日暖解時情比北風高平生不盡
無衣淚輕易何曾託素毫

甲子長至送鄭祁生吳鐘冕兼寄家弟迎陵

天涯杯酒盡交期佳節翻令惜別遲九地雷霆初動日滿船

風雪涸寒時尊前不禁思鄉淚裊裊剛餘憶弟詩欲伴仙舟
知未得報君空有鬢絲垂

顧

雲字伯顧號北墅如臯人乾隆甲子舉人甲戌中書
歷任吏部文選考功司員外郎著有貯清軒怡園

詩集

送蔣莘畬同年假歸卽次施靜波韻

驅車來皇都躑躅會何羨幾番紅杏雨不入櫻桃宴偶爾騁
雕蟲一官等飽戀紅藥朝繾綣薇露宵慈菑驅車復驅車玉
勒嘶芳甸知君懷不寐清樽及秋餞南園有嘉魚無事臨淵
羨時逢春秋佳板輿花前宴萊衣五色鮮愛日良足戀兩行
玉樹森臨風復青菑小人有老母迢迢隔遠甸佇立重徘徊
含情爲君餞

題秋水懷人圖

林木轉蒼翠蕭然生暮烟一江界南北千里夢幽燕黃葉濃
還淡晴雲斷復連忽先山一角幽意藉茲傳

王

濤字又山江都人性樸雅
有古誼善鐵筆工畫

佛座蓮菊

籬畔秋深菊正開何須金粟見如來綠雲高擁蓮花座自有
空香散滿臺

王

汧字淡泉實應人乾隆丁卯
舉人官貴州印江知縣

懊懷歌

我心匪蓮食蓮心苦我心似蓮匪蓮之故不如食蘖食蘖苦
口苦口猶可說苦心不可剖

出門示內

惆悵復惆悵中懷與爾論遠行辭膝下恃爾奉吾親奉姑如

奉母事事宜服勤勿以歸寧故輕離鞠我人况我出門去庶
務叢爾身一子尚孩幼良楮亦有因閑家豈獨我內助古所
云卽事軫離憂升車悵行塵迢迢薊門道雰雰雨雪繁歸還
定何日惜別當茲晨努力供爾職以慰遊子魂

顧人驥

號仲隗一字炎山乾隆戊辰進士官福建上杭知縣著有息僑存稿

古柏山莊

杜鵑啼徧草堂春徙倚花前憶故人兩晉名流多曠達三唐
詩格最清新當年壇坫空灰劫死後兒孫獨苦辛臙有一株
孤柏在霜皮繡作老龍鱗

張

鏡

字丹崖號護園甘泉諸生少居北湖孤介絕俗年五十餘不婚娶好苦吟不喜存稿

和淨因妹秋夜讀書

磊落襟懷只自如清宵快讀古人書人間波浪隨消長足底

風雲任捲舒黃菊秋霜三逕冷金樽夜月一窗疏袖中本有
如椽筆不與文園賦子虛

春雪

何事冬歸冷不歸餘寒尚作舊時威應愁凍碎梅花骨零亂
窗前和雪飛

高

翔字鳳岡號犀堂甘泉人玉
桂之子善畫工八分書

冬日同老匏陋夫藏山近人雪門容齋過古水上人鐵
佛禪院子冒雨先歸用老匏止宿原韻

清冬得晴能幾許惜景招朋過山下空林疎磬引入寺黃葉
成堆碧苔古山僧揖客絕世情手把殘經自叅補荒廚無以
作供給粗糲可炊芋可煮從來靜者耽禪味食蜜中邊辨甘
苦老狂得句最清新珠璣錯落振林府浩歌滂蕩海氣昏俄

頃變滅雲縷縷西風觸物生怒號颼颼水立山飛雨君也彌
勒與同寵而我歸心似強弩衝泥忽誦放翁詩生平怕路如
怕虎閉門覓句重回燈市聲已息動街鼓匡牀自在擁寒衾
臥聽兒讀妻織履

李德音

字孔昭江都稟生

莫愁湖與張竹軒黃秋平焦里堂李冠三羅養齋李濱

石同賦

秣陵秋色是愁城莫使愁同湖水平若是盧家無少婦夕陽
芳草不關情

焦士緯

字石堂江都人

乳鴨

淺淺春波蘸夕陽閒看乳鴨鬪嬌黃遙分極浦初生月淡染

高樓昨夜香弓軟竹枝休射取舟輕蓮葉好操將浣紗兒女
休相妒空伴鴛鴦占水鄉

焦士紀

字五斗
江都人

題鶴沙小隱圖

青苔門巷草堂幽風捲疎簾自上鉤小院清寒虛受月老人
情事怯吟秋莫辭茗芋酬今夕每對姮娥感舊遊况是黃花
過九日尚開三徑待羊求

鍾

信

字孚遠號蕪原江都人久客漢上篤于親戚故舊
所作詩多不畱藁其孫懷與元幼同學博學通經

史輒其祖造
詩僅得二首

漢陽客舍送吳葑田歸溧水

飄泊東南際蕭蕭兩白頭輪君早歸去悵我獨淹留風笛咽
離席江花送客舟高樓渺烟水何處暮帆收

題程平南

此君個箇老平生耽誦讀農家手一編寢饋欣連屋有時喜
冠然足音來空谷賞析樂朋儕使便孝先腹風帘濛茶烟旺
味恣清熟塵事總不知安受讀書福嗟我倦遊人此生空碌
碌

李

筠字松友如華生員著
有藝巢偶筠一卷

插田行

大麥乾枯小麥黃句杜入廩得雨胥奔忙三三五五頭戴笠脚
踏水天分早秧女轉牛車兒打鼓頃刻撒手成千行新婦竈
下炊已熟趨田饒餉提壺漿去秋一旱兩閱月所獲僅足輸
官倉今年穎粟猶未卜可能幸免田萊荒或者田租轉歲運
得令擊壤歌陶唐農家衣食曷豐嗇不見官差樂已極

賈成祖

字肇先號曉樓高郵歲貢生著曉樓詩鈔一卷

兩頭織織

兩頭織織菱角支半白半黑盤中碁膈膈膊膊然豆萁磊磊

落落蠶結絲

雪後村郊雜題

遙鼎輕烟宛宛通幾家雪屋隱幽叢凍雲枯木荒寒甚置我

倪迂小幅中

賈田祖

字稻孫號禮畊儉討兆鳳次子高郵廩生通經學尤深左氏春秋矜立名節詩文皆有蒼勁之氣與

同邑王給諫念孫李進士惇相友善晚年尤肆力于詩故紙零落屢有存者

擬謝康樂遊山

層巒曉開豁循幽臨石門晨光晃虛壁清露晞高原嶇欽雲
磴滑曠往天風翻險塗詎忘戒佳遊信所敦晴峯亂蒼翠飛

泉響潺湲巖壑恣迴歷蘿葛輕獨捫天秋露刻秀林籟吹崩
奔遠音流高鴻驚枝起棲猿徂節易爲感幽思渺難吞遷化
誰能爾永矢歸邱樊

擬儲光羲詠耕

春水流陂塘湖上山已綠野老曳犁耕餉婦炊黍熟藝植各
已了滄浪濯我足夕陽下榛阪提漿款鄰曲言笑何欣欣暘
雨愜所欲生年逢太平桑麻地相屬誅茅願堅牢呼兒買新
犢

三先生詠

李先生 必恆

徘徊北郭門文獻悲耆舊入雲鸞鶴聲一逝不可復清風滿
枌榆詩名垂宇宙華簪一相望誰似斯人壽魚川已荒蕪高

祠森俎豆

先生崇祀鄉賢

殷先生

碑

樊桐去已久詩帙垂元亭有如下仙步玉佩鳴泠泠又似羣籟寂山水畱空青我欲往從之遺琴收湘靈終古蘊奇秀希

聲誰與聆

先生遺集未梓

孫先生

漢孫

我懷沛村翁英風淬于莫白首受一官朝端立孤鶻抗疏指淮黃直聲振京洛此老竟齋志歸與慕巖壑事往二十年湯湯走蛟鱷

節婦行

乾隆壬戌秋大水余戚子陳繩祖赴郡試溺死妻葉年二十苦節歷窮餓非人所堪作詩表之

歲在壬戌支祈酷陳生骨葬鼃鼃腹其時節婦方少年春陽忽睹冰霜堅三間屋破穿朝日日光照見眼中血輕塵弱草

隨巖騷湘竹成斑心似鐵淒涼賣盡嫁時襦長日無餐冬裂
膚祇完趙氏連城璧道程嬰六尺孤之生之死矢靡悔願
采幽芳告中壘當年一痛能崩城此是蘇卿十九載

車螯

枯桑號天風凌兢暮寒作倉卒謀清歡餽媚小酌誰與策
勦最車螯實高格名雖隸介族品亦列海錯外圓乃象乾中
虛利用剝脣吻若受緘眉目初欠鑿肖釜渾缺銚如輪微露
廓土種既異蚶水化又非雀曰車寧類渠名螯詎止瘡魁陸
較之文姑勞視此薄牡蠣笑磈礧瓦隴陋雕琢或云蛤中魁
嘉名汝何忤擲取從灘洲狼藉市江郭允堪充庖廚極宜佐
杯杓禦冬虛旨蓄視夏勝肉臄擘肌吳孃烹決口羹子斫受
刀儼鉤距轆釜悅炮烙薑辛味堪投椒馨氣彌灼調宜共菽

乳澆不藉杏酪咀之豈搖牙挹彼或揚勺羣吞勢縱橫流啜
聲灑灑雲腴珖柱比霜膏鮭肝若傾盤罄汁滓列饌謝脾臄
小餅信云美適口製亦各漬生可噉油煤熟更宜燂拌米煮
青精糝麵煎飪飪醬或窰桃花蛤醬名桃花蟬土人多以車螯代之鮓剛配鐵
卻亦可作鮓與黃雀同時爲用兼魚熊厥功豈瓦礫徵號爾雅遺鈔方
脚經略獨憐王介甫瑣瑣重其殼

團維墀

字尺威號問山儀徵人學博異子

秋晚聞蟬

已近清秋後還聽樹杪蟬何人賞孤調惟爾脫塵緣疎柳斷
橋外西風黃葉邊驚寒時一響悄絕晚涼天

過散花峽

湘雲淅淅起遙空柔檣輕催過峽中碎滴烏篷梅子雨涼吹

白袷麥花風松髻倒偃佛門閉螺髻曲旋樵徑通孤負三春
半行路去來真似雪泥鴻

村夏雲溪書屋題壁四首之一

半生行腳慣幽探夢遶燕南復楚南晚落怒濤帆帶雨晴登
孤嶂袖飛嵐聞雞曾學當窻舞捫蝨誰容入座談堪笑逢山
親掃石畱題終覺姓名慙

秋宿蕪湖南寺書壁

牆角離離落豆萁苦吟秋感鬢成絲青衫獨裹登樓夜紅袖
難逢拂壁時犀首事荒終好飲虎頭命定不妨癡齋堂課擊
梅花磬喚醒鄉愁祇自知

王彥林

字尚田甘泉生員任浙江
秀水縣典史著有雕蟲草

人日平山堂探梅

一年此日最宜晴，知有疎梅郭外迎。
買權不妨如葉小，呼朋直欲與花盟。
數枝纔放春何淺，十里忘歸月漸明。
攬勝寧輸香雪海，深盃莫負再遊情。

冷泉亭納涼

幽鬱開仙境，虛亭納水光。
千峯皆作雨，六月亦生涼。
松杪茶烟細，籬邊筍味香。
坐深忘溽暑，一枕卽羲皇。

員

燉字周南本三原人寄商籍爲江都諸生著有痕雪庵詩集四卷

白沙翠竹江村舊，屬余家別業。
更歷數主，至鄭氏始增臺榭。
多名流題詠，近歸香林，遂成江北名精。
今春香林邀同臯齋漁山采庸扁舟一過，
采庸亦嘗讀書其中，猶識守門老人感今話昔漫賦一章。

一角扶僂到江村，拂袖還題舊板門。
石磴無人留馬跡，花陰

有路覓苔痕，遞經數姓經營在。剩有諸家翰墨存，賓主幾重憑浩歎。漫愁往事老司閹。

再客杭州

無端又作浙西遊，俯仰升沈百感投。計拙依劉慚入幕，情牽懷謝怕登樓。幾多舊雨歸黃壤，謂玉几襟三太鴻秋岳依剩有晨星總白頭。謂禪登敬身天猶是昔年之字水，偏今屈曲

惹人愁

第八妹琳字道頤，能詩工畫，著有奩餘集、古渡詩評、適岑山程存仁窮餓而死。今于書肆書角上見其常用二小印，則妹之手蹟散佚多矣。感賦。

妹以飢寒死，詩同畫筆空。無端兩印記，乃見亂書中。敗葉驚心動，殘泥淚眼紅。何從尋慧業，斷月與零風。

張

芳字佩芝江都人乾隆庚寅科舉人乾

虹橋修禊

山岡野徑路遙通一片笙歌東復東曲檻晚逃花嶼雨小樓
春颭酒旗風香生綺陌飛空翠烟鎖長橋入冥濛卽目韶光
無限好此時身在畫圖中

李

惇字成裕號孝臣高郵人乾隆己亥舉人庚子進士年五十一卒天性孝友醇粹于學無所不窺與賈君碩孫王君懷祖江君谷甫劉君端臨討論古制精深淵奧爲學者所宗所著書惟羣經識小一種成彙其子紫培錄成精彙將刻之詩不多作紫培輯爲安愚堂詩鈔一卷

黃山

一山橫郭北古寺鎮金關葉脫晴雲度風涼高鳥還寒鐘出
林樾落日下溪灣孤塔峻嶒在天梯未可攀

和賈丈禮耕六十初度

雄文直欲逼蒼旻何事飄萍寄此身陳亮才原難用世梁鴻
熱本不因人修能見說窮彌篤氣味應知老更辛漫道空齋
長寂歷酒杯詩卷自相親

讀王右軍傳

唐宗馬上復詩書瀛洲仙侶羅石渠萬幾清暇弄豪楮飛白
灑翰凌虞褚尤於典午愛右軍制書褒美辭津津

羲之傳贊
太宗親製

龍蟠鳳翥擬筆勢儼若萬代惟此人韓公逼人何咄咄眼中
腕底皆奇絕俗書姿媚語凌突似與先皇相齟齬嗚呼六書
今所詳點畫乖古聲音亡矮紙臨池極毛髮家羲戶獻誰稱
良文章優孟亦如此振衰八代何人矣可憐鼯鼠不盈腹天
祿校書蒼頡哭

憶賈丈禮耕

聽雨東邨舍連牀共曉雞

禮耕曾止子田舍數日

滄浪歌孺子山石和

昌黎此境渺何處舊踪行已迷素心今又歿回首只淒淒

吳

鐸字晉陽號木邨高郵人乾隆己亥副榜

自題書屋

午橋何處得卜築小山房積雪含空牖畱雲補斷牆一椽差
免俗三徑不嫌荒擊鉢爲吟社傾樽亦醉鄉

吳

釗字克非號劍泉高郵廩生以孝友聞

遊支硎山尋寒泉

躡屐支硎山爲覓支公跡斷碣臥蓁蕪篆籀苔紛藉裊裊松
花香冥冥鐘磬隔何處寒泉水清冷洗幽石

短歌行集昌谷句

天迷迷門幽幽風吹孤篷起今夕山上秋霜花草上大如錢

少年安得常少年憑仗東風好相送挈舟海上尋神仙

吳

銷字景梅號鶴巖克非弟高郵生員

秦淮河

憶昔佳麗地春風媚春漣閱今嗚咽水寒柳生寒烟蘭泣露
欲滴燕去空啼鵲蕭條舊時月清光爲誰圓

吳

鑲字念劬號葯圃克非季弟高郵廩生乾隆王子舉人博聞強記作文有奇氣爲胡希呂高望鐵株巷保兩侍郎所知乙卯春關未捷及秋病歸丙辰卒

臨春閣

不上臨春閣安入景陽井蛾眉業傾城霜鏢還報頰莫笑江
東殘興亡如逐影轉瞬玉句斜楊白秋風冷

高氏產

御史首擲長安路舉朝側目不敢顧六姻遣戍無生還尚產

傳宣重加賦賦加愈重賦愈輕罵聲不作作歡聲御史一死
且不避吾輩何嗔一斛稅

吳晉汾

字修原號管涔克非季子
幼穎異力學卒年二十六

古意

至人遊八極上士契元眞愚者甘離齷妻子而功名夏蟲不
見霜秋草不識冰所拘在目前安知天地心

水月山房

勞勞情未已聊復愛禪棲雲淨月侵閣漁歸燈滿溪荻迷千
里雁寒壓一邨雞東去湖干路孤篷入夜低

李義周

字延瞻
揚州人

同人過淨慧菴訪秋雨阻

欲問秋消息濕雲沈遠空未容拖蠟屐且喜勸荷筒暑送三

庚雨涼催一葉風山公虛赴約惆悵倚簾櫳

唐

虛

字淡邨揚州布衣詩有逸
才年三十餘得狂疾溺死

仲冬薄暮登彈指閣

闕迴倚寒碧憑闌延夕曛野烟晴戀郭古本冷雷雲詩自空
中得鐘宜高處聞諸天如咫尺裊裊妙香熏

雞籠山

百尺青峯江上山偶來屐齒破苔斑夕陽影裏無秋草
霜根戰馬閒

野眺

搖落忽如此秋原堪斷魂青山衰草路黃葉夕陽邨烟柳隔
揚子風帆下海門江南稻粱熟陣陣塞鴻翻

與吳省齋夜話

憶昔城南會於今已十年雲山春載酒花月夜揮絃腸斷方
三拜神傷員半千看君偏未老自誦遠遊篇

仇

棟 字槐堂本臨潼人寄商籍爲江
江都諸生著梅山詩藁一卷

春日

春意闌干綠漸齊蕉黃一卷試新題鵑聲露冷愁難訴蝶影
風柔夢易迷屋矮不妨花礙帽天晴何事絮沾泥尋芳不少
鄰翁約日日江頭竹杖攜

羅應箕

字南埜號綺
風儀徵廩生

人日

梁閣春星兩度移靈辰雅集話心期菜迎新霽初舒甲柳怯
輕寒未裊絲客夢半銷殘醉後鄉情多在對山時懸知一室
團欒坐悵望三河亦我思

陳佩霞字丹舒號綺園如臯人蚤卒著有綺園詩彙一卷

縫裳

鍼線摛箱篋年年逼歲闌代人忙遣嫁儘巧與裁紉火宿灰
初盡鐘摧宵漸殘挑燈呵十指霜落剪刀寒

葉

英

本名永福字英多江都諸生後舉子業易名英號霜林性情開曠不拘禮節好歐陽通書得宋拓

片紙每日必臨雖屢弔亦于稠人中草寫不報善柳敬亭口技每一談古人遺事坐客徹歛歎感泣然富商貴客慕而求者必被呵忤衣破敝或贈新衣不數日即以易酒不家宿二十年往來朋友家遠近久暫人不能測舊與元相善嘉慶二年六月卒

甘棠逢呂坦齋

我尋北郭秋遠入甘棠路獨立何蒼茫忽與故人遇恍如意
無著忽向奇書寫攜手僧寮中蒼然日將暮新月沈寒潭殘
陽下高樹風沙轉孤蓬木葉泣危露撫時良有感知已愜懷

素君本老畫師應識荒寒趣

冬日友人招遊上方寺

冷落人三兩冬晴入北山
霜高平野澗雲住遠峯閑
徒倚寒松下徘徊落葉間
生涯莊叟識談笑不知還

淮海英靈集

元輯錄

北湖阮氏詩

烏程陳焯填諱

阮諱世衡

字代公江都生員居北湖公道橋元之弟叔祖也康熙間以子應武官

封武德將軍

題黃山六景圖效盧鴻十志體

始信峯

峯高七百九十仞亭亭獨上假如天柱上有仙石橋以通南峯磴道

渺天外兮高峯矗離絕松雲立於獨抗灑山軼底柱屹翠巍
峩通玉宇遊氣高寒始信峯碧玉簦青芙蓉一上七百九十
仞仙橋長兮石磴峻真觀萬象投虛刃

鳴絃泉

源出雲門峯湍飛于尺下注琴石鏗然有聲

煙嵐碧兮雲濤翠仙風縹緲琴音邃望九疑想九成鈞天一
曲甯太清湍流千尺鳴絃泉注琴石聲鏗然秋煙一碧飛不
著帶長薄兮翔孤鶴能移我情此澗壑

鍊丹臺

臺在鍊丹峯頂曠衍如坪可容萬人俯視絕壑深不可測

挹元玉兮漱華池乘風欲與仙人期
迎洪崖贈瑤草奇情自寄烟霞表曠衍如坪鍊丹臺通顯氣軼浮埃丹成九轉巖霞施俯絕壑兮不可測凌虛自有雲霄翼

天海巷

巷當海門峯半每雲氣蒸騰瀾滿山谷光煜煜而勢洋洋茲巷全攬其勝

噴煙雲兮積瀕洞海門峯半能虛控瀾黛壑蒸翠微于霞照日開林霏獨擅其奇天海巷振金策老瞿曇紅翠澄鮮落溟海水潺湲兮石磈礫此中彷彿仙真在

祥符寺

寺建紫石峯下唐志滿禪師創也羣峯聳秀湯泉出焉後陸澄道卽入山初徑

紫石峯兮訝挺拔志滿當年留古刹披蕙幌掩雲關珍珠漢出溫湯泉紆迴初入祥符寺香界天金布地有冥搜者在此中蕩遺慮兮發遊蒙六塵五蓋歸虛空

石筍竒頽水巷右惟石林立自始信

披荒榛兮陟峭嶿予戟森森天際落茵犢角挺霜鋒衡巫雕
刻窺重重兒孫羅列石筍竒金碧潭玉女窗始信峯前望何
遠匪高人兮肯偃蹇萬疊松濤去忘返

阮諱玉堂

嘉慶丁巳春吾浙學使闕學士少宗伯阮芸臺先生出共祖招勇將軍行狀及遺稿見示附刊

淮海英靈集中祖德克彰誠盛舉也按狀云太府君諱玉堂字履庭號琢菴始祖諱巖當明神宗時由江南淮安山陽遷揚州江都明末遷居城北四十里湖中公道橋二世祖諱國祥例贈明威將軍高祖諱文廣在榆林衛正兵千戶曾祖諱秉謙以孫諱匡衡公官

父諱時衡

軍凡五世皆有隱德太府君生而倜儻有志概長身健

晉贈招勇將軍

臂行止偉岸與中人立頂僅及胷少能挽強馳射矢無虛發尤喜讀書爲古文詞詩歌援筆立就康熙五十年辛卯占籍儀徵鄉試中式武舉人主試者爲江蘇巡撫儀封張清恪公伯行會劾奏本科文鄉試交通關節事總督反奏解巡撫職遷之揚州館舍太府君於是佩刀挾矢護左右同寢食數月及後奉旨昭雪復巡

撫職清恪公極感太府君之義而太府君讀書勵行一
生清介所以深得清恪公教者亦多在此時五十四年

乙未武會試中式殿試三甲賜同進士出

身分鑲藍旗教習五十六年五十七年授藍翎侍

皇帝駕幸熱河兩次隨扈五十八年世宗憲皇帝賞緞三疋三

衛雍正元年二月蒙聖祖仁皇帝梓宮賞銀四十兩八月送

月送大皇太后梓宮加一級本年癸卯科殿試武

進士詔舉技勇馬箭步箭皆稱授三等侍衛賞戴花翎

三年五月引見外放湖北撫標中軍遊擊兼管左營事及淮

給都司簽書管湖北撫標中軍遊擊兼管左營事及淮

任兼署右營驛士嚴整有律具為稱職五年八月遭父

喪遵例在任奉諱服除十年三月部議改設撫標中軍

遊擊員缺為參將經大將軍岳鍾琪以軍前才能之員

揀補仍留軍前効力太府君署理參將印務十月軍政

卓異十一年六月引見奉旨准其卓異

交部照例陞用欽此十二年四月以都司銜陞銜調補

廣東提標後營遊擊時巡撫德齡奏請以陞銜仍留湖

北署撫標中軍印務奉旨著照該撫所請行欽

此雍正十三年十一月恭逢恩詔加一級乾隆

元年正月兼署右營遊擊三月中軍參將到任交卸旋

署興國營參將七月始改署清疆九營營遊擊二年奉

旨諭督撫各據所知之人秉公保舉湖廣總督史

胎直保舉阮某才守兼優奏准紀錄一次注冊正年
五月湖南城步綏寧兩縣苗民數萬人盤踞山谷接辰
州數百里殺傷官兵肆出劫掠道不通奉檄領九雞
澧州洞庭常德共四協營官兵隨鎮鎮總兵劉策名
賁夜掩賊情六月三日溪苗悉精銳屯山口因卽相度地
勢偵探賊情六月六日進攻薄賊寨太府君身先士卒
遠施鎗礮近接刀矢差賊甚多賊大奔潰遂乘勝奮殺
焚燒山寨奪獲糧草界三畝賊保各寨其勢遂分提督杜
爲最勦自官兵大捷後賊退保各寨其勢遂分提督杜
凱報捷奉 殊批這所奏欣悅欽此閏六月四日攻
甚爲可嘉俟事竣之日從優議叙欽此閏六月四日攻
人樹寨克之追殺數里巢穴焚燬始盡七月二十二日
攻長安盤井口客寨飛毛坪龍家溪竹林各寨皆次第
克之此五寨地勢險隘林箐深密太府君步行率士卒
冒矢石敗其伏兵鼓銳力戰遂於一日中連克之賊勢
已大潰因駐兵搜捕山箐逸伏焚燬茅蓬發獲糧米甚
多是時 上慮兵糧未一 命貴州總督張廣泗
駐兩湖總制全軍甫到城步卽察知謀勇最著賈環二
聯勞獎極力南山大箐屯賊正多屢攻未克總督令督
各營兵進勦賊積木石斷山路兵不能入太府君日率
兵佯攻正道探知間道夜率健卒五百人攀藤越嶺而
入誤墜阮傷膝流血滿足以布縛膝進益力夜半及正
道微開木石是時賊數千人已覺來拒烏鎗繩火紛如
亂螢太府君命兵負燭偃伏藤牌護前賊至鎗齊發我

兵寂不動賊易之乃鳴一大學鼓兵直下如建瓴賊衆
敗散而正道兵無木石阻亦大進台勦殺獲甚多及曉
搜獲龍褲刀樞刀標鎗等器械及糧草無算又搜得前
被賊殺之巡檢官印一顆賊餘黨共八百戶退據南嶺
糧盡不支間出數十人近營跪哭乞降太府君察其誠
為請於總督總督云設賊詐汝當此咎耶太府君以死
在之次日率賊衆近總督大營跪乞降總督云發三
不昨去乃真降耳乃對衆發三大礮斃數十人餘衆股
栗莫敢轉側蓋感太府君拯護之恩故忍死無負如此
總督於是始受降是時各山賊寨亦並破老幼退保入
橫坡八月二十二日奉令領各營兵相機督勦總督又
令遊擊區明李登華帶兵隨太府君進勦橫坡山梁奮登
隘正路不能攻九月二十八日率兵由左路山梁奮登
奪殺前進遂入寨中餘敵齊發賊精銳殆盡遂大敗焚
燬居室一空生擒男婦子女二千餘人賊寨盡平十月
初三初四日復親督各營兵於橫坡各山箐四面搜捕
生擒男婦子女千餘人又搜獲窟室男婦數百人刀杖
銀帛無算皆親解赴總督所總督欲盡誅其生口太府
君再四諫阻不從不得已乃請曰壯夫能執兵抗師者
當殺之其婦女及男子十六歲以下者必宜赦免總督
始如所請太府君出營分別男女年歲苗人環跪哭聲
震山谷先擇壯年有鬚者斬之其餘全活雜髮給以口
糧總督雅知賢能不深求仍獎勵有逾諸將太府君奉
令所勦之賊寨前後十餘戰皆謀勇並著兵無少挫功

為諸將最攻戰稍暇即賦詩較射以為樂各聚平後衛

兵回九路營總督班第具題奉旨分別等次交部

議叙十一年八月為苗疆事宜保舉十三年推陞河南衛

輝營參將九月為嚴故湖南勁旅以九路也訓練勤而兵

無虛額賞重而罰嚴故湖南勁旅以九路也訓練勤而兵

役有兄弟皆為兵因母老劍泰一人兄弟爭出母亦請

二人皆從而自役於署中其有勇知方如此及至衛輝

營務廢壞已極兵市中無賴子素不習武詔步伐為怪

事限期操練兵本中無賴子素不習武詔步伐為怪

事十四年十月相率辭糧罷去大吏舉劾奉旨交

部議處部議革職回籍家無一畝田蕭然僦居郡城而

湖山寄興詩酒頗自娛也十六年聖駕南巡瞻迺

於高晏寺甫奏名上在舟中問曰可是鄂容安姓名

參者謹對曰是旋奉旨以都司錄用以徽臣姓名

材神慮周密細不遺太府君每言之未嘗不感

思泣下也十七年四月補放廣東羅定協都司二十二

年陞廣東欽州營遊擊太府君之往嶺南也以卑濕故

未奉母周太淑人之任及至欽州多受瘴氣病足憂瘠

中語多念慈聞屢欲告養歸周太淑人諭止之未果於

二十四年十月十六日卒於任所兵民哭之失聲太府

君性剛介接奉各督撫尊卑盡禮之外言語辭色無少

至凡鹽榷一切陋習皆裁秦懷金者不敢造門太府君

未第時家素裕備宿衛後將十年田舍鬻盡及外遷愈

廉介自矢家無一日儲不計也九黠城北有北山周數

十里兵民皆仰給此山有明季指揮豪姓之子孫訟言

山本指揮舊地總督委官勘審將為所奪矣乃慨然入

省申辨過洞庭湖舟覆賴商船救得出至省力言地即

豪姓地亦明代事且絕數萬家之葬窆樵蕪芻牧而以

資豪姓為利藪大不便總督即違前議從太府君議九

谿兵民大感悅偶騎而出見木石委積詢知將謀建生

祠太府君立斥徹之兵民不得已家祀一主乾隆四十

三四年間元父客漢上遇九谿老兵為言太府君去後

此祠旋立歲時祝之不衰所著有珠湖草堂詩集三卷

琢菴詞一卷箭譜一卷陣法二卷太府君生康熙三十

四年距卒得年六十有五初授奉政大夫乾隆

元五年葬於揚州府城北雷塘中壩以元配汪淑人繼

配江淑人合祔嘉慶元年以元官晉贈夫人按吾阮氏

內閣學士兼禮部侍郎配並晉贈夫人按吾阮氏

世以武起家自元之生獨弱習馳射力輒不支父固憐

之命改就經業暇時為元述太府君平苗之捷曰是役

也奇績聞當世然妣江夫人坦然內傷寢食不安者十

閱月比事旋言之猶悸故予馳射不事今復以命汝

成江夫人志也元謹志之未敢忘比元入翰林充國

史館纂修官檢閱長編太府君官階職績稍具其畧乾

隆乙卯嘉慶丙辰間元視學山東浙江校閱少暇復以
趨避之訓比次追述用紀梗概託立言之君子圖不朽
焉孫元諱狀屬吏烏程陳焯敬承先生命錄畧填諱

庚戌仲冬倩吳陸贈登洪山

人影小亭外蒼茫對夕暉山明寒月上樹靜晚風微斷草迷
樵迥荒烟暗野扉離愁終莫釋把酒且休歸

楊荆山過武昌阻雪留贈和韻

風雪滿江漢驅寒仗酒力舉觴勸故人聊以壯行色

春殘

不欲春歸去無如日漸長雨殘高柳重風定落花香寂寞宜
詩酒流連惜景光遂初何日賦心事半江鄉

九日讌同人於見仁亭

佳時重九日况復是良朋詩健聯三益亭高試一登山空秋

葉下城遠暮煙凝莫湯輕歸去茱萸醉未曾

題靈壽杖

亦名萬壽藤產於均山襄陽守尹公見貽喜其體直而性柔因題以句

均山鍾秀似青藜太守遙貽待我題精幹正堪膺重遠他時歸老藉扶攜

秋夜

秋天暑氣平秋月夜深明露浥蓮房冷風過竹牖清蛩音近西壁雁侶卻南征不寐多悵觸誰知此際情

江干夕照和韻

楚江流浩渺夕照下平沙翠靚山頭樹光搖水面霞歸帆明葉葉羣牧散斜斜燕坐恣遊目頻聞噪暮鴉

秋鶯和韻

既愛春光復愛秋依然坐柳嚙歌喉聲聲現晚撥人思鼓吹

針砭正未休

荷華

不畏污泥烈日烘天然品格碧波中高名豈借濂溪重香遠
原餘君子風

暮春有感

暮春天氣半陰晴花落花開是物情要識榮枯前已定放開
眼界看芸生

秋夜

卧看天邊銀漢斜流鶯飄瞥過隣家蛩聲唧唧催秋老碧沼
殘荷露泣花

梧桐

滿院梧桐鏤碧雲不須洗濯卻塵氛幾枝曾伴高岡鳳一葉

還封大國君

秋夕偶成

淒其風雨早秋天輪轉愁腸攪夜眠宦海波濤行處有呼來
歡伯與陶然

次韻袁紹三雨中遣悶

芭蕉滴滴響秋階及楊連墻長綠苔赤馭自爲雲掩去商羊
能使雨頻來宦情淡處同花妥詩思清時勝霽開愛我同袍
善排遣未曾根觸笛聲哀

書懷

勛業如何得大還順時知命歷諸艱放懷且飲花前酒極目
常看月下山孰謂遠尋高士樂算來終讓老僧閒龍鍾四十
勞生半陳迹與懷俛仰間

八月庭梅忽放一枝

金風忽破一枝梅，香滿庭階。蝶夢猜瘦影，應隨寒月淨。孤芳何逐素秋來，若辭白雪難爲友。或愛黃華，故作媒折寄隴頭。人不信，沈寥天氣，一銜杯。

次韻月下菊影

耐霜宜雨更宜晴，瘦影迷離。月底生翠葉，頓將濃墨潑黃花。偏就淡煙橫，天流冰魄同消長。雲罨秋宵，作暗明壁上橫斜。闌外轉，只愁催曉漏聲聲。

九日

敢效龍山作勝遊，佳時散步一凝眸。佩萸囊小千家冷落帽。風高萬里秋酒點菊花香，泛泛歌遲雲影碧。悠悠半弦月向當頭照，欲去高亭爲小畱。

江行夕眺

舟行三十里不覺夕陽斜
下上依檣燕參差夾岸花
遠村藏酒市深火出漁家
唱晚中流急聲聲雜暮笳

王子仲冬入京途中作

驅車八九日已過十餘城
風勁憐裘敝霜嚴覺酒輕
寒沙驚馬色古木動鳥聲
不畏征途永心懸

帝闕旌

過岳鄂王湯陰故里

武穆精忠亘古稀丹心日月共
光輝獄滅三字千秋恨多少
英雄淚濕衣

春日道中

歸從京國駕征車非復嚴冬風
雪加嫩綠長隄雙岸柳新紅

小院幾枝花鶯聲恰恰流歌桁燕語深深酒家如許春光
泥人處頓忘行役在天涯

銅雀臺

魏武雄心著鄴城高臺華侈幾經營當年勝跡今何有惟見
漳流照舊清

盧生廟

仙佛無非夢盧生覺豈真邯鄲來往者俱作夢中人

贈別張洪範協鎮

奕世簪裾孰與爭早從邗上飲香名當年績勩關西堡近日
旌移冀北營叔子風流真可羨燕然銘勒豈難成臨江釀酒
無他祝疊被

綸言慰梓情

秋風吟

亭皋木葉起秋聲紅蓼初殘蘼水清對此蕭條江路永感人
最是故園情

舟泊黃州

解纜朝辭黃鶴樓下春帆影落黃州橫江白露銜山月何似
蘓公赤壁遊

登輿國廨後容膝亭

城上煙雲淨湖中葭菼寬我來切憑眺容膝易爲安

富川攝篆

野路山城僻門臨古富川周遭雲接嶺屈曲水通船民朴勤
農事官清乏酒錢莫言從薄宦此處好林泉

不寐

冷暑無人月轉明
早聽八百寺鐘聲
欲眠窗外來斜影
高枕無端夢不成

滄浪烟雨

一派滄波直接城
虛亭四面碧涵清
煙迷楊柳千重色
雨打芙蓉萬點聲
詩句都從遊興就
酒卮常爲放懷傾
昔年孺子還同調
不覺行歌濯我纓

仙觀晴霞

晴空霞氣繞仙壇
雞犬猶傳解舐丹
道士自通元妙訣
故畱餘綺護欄杆

初莅九谿寄和袁紹三韻

十年都會裏近日
萬山中要地雖新
易深山與舊同
宦隨溪水淡心與
嶺雲空踈嬾宜幽
僻差安淳朴風

次韻劉茲受雨後對月

獨愛初秋夜炎威雨後平竹梢移月影蕉葉弄風聲遠岫當
軒淨長溪入耳清十年羈鄂渚到此遂幽情

秋夜

步履徐徐度小廊秋深竹塢過來涼山中月色明如晝清氣
凝時草木香

秋月

怪爾天邊月當秋愴我神北湖千里遠南楚一官貧廢堞綠
山谷邊陲雜獠民公私籌靜夜不覺側冰輪

賦得冷露無聲濕桂華

冷露無聲濕桂花一庭清蔭傍窻紗濃香聚處更方永麗色
明時月正華已向廣寒餐玉液不須絳樹到仙家夢回觸鼻

真無隱黃雪還看射曉霞

中秋

三秋已過半桂魄此宵圓可愛冰壺澈何須樺燭然攀花作
清供把酒續殘篇永夕山城看身親玉宇前

秋夜回文

夜月歸舟晚蛩鳴落葉飛樹高來氣爽林密透風微

自識

窮通得喪孰先知自識升沈各有時夙昔雄心消殆盡而今
宦境淡于詩

題仙侶洞

無處覓丹臺嶙峋一穴開乘龍何日去跨鶴幾時迴紫府溪
山曲元都索水隈吾儕寧絕粒也得暫徘徊

次韻袁紹三九日風雨

重陽傳令節風雨冷清清但覺黃花瘦誰知紫蟹橫林踈迷
嶺路灘急壯濤聲舉目悲秋老難忘故土情

軍營和田真人二韻詩

松亭愁溽暑溪月喜新涼妙語仙凡別焉能較短長

次韻韋總戎軍營感懷

邊徼身經第一秋西風鼓角幾時休山間壁壘連雲築林外
旌旗帶雨收但覺此生心坦白終須元老樹謀猷請君試看
軍行際頃刻安危動我愁

秋日軍營寄韋總戎袁紹三

風風雨雨苦無休欲使征夫白盡頭但使北堂慈竹好平安
之外復何求

橫坡紀勝

橫坡負固幾多年，劫殺頻頻不畏天。今日

王師彰撻伐，魚遊釜底少生全。

軍營雜感

瘴雨連綿澗水潺，星羅行帳駐崇山。但期醜類歸

王化，誰計艱辛幾月間。

苦雨淒風那不聞，寒威漸逼尙行軍。病軀黽勉猶從事，不到平蠻不策勲。

次韻薛協鎮軍務告竣雪霽對月

積雪千岩與萬巒，月光暎射白成團。談深清夜都忘倦，飲傍紅爐不畏寒。故壘重重閒秣馬，軍聲寂寂靜聞灘。穹廬一碧明如晝，淨掃蠻煙黎庶安。

次韻薛協鎮凱旋偕行

雪消雲淨喜班師策馬偕行笑語時
戎務一心勤到底世情滿眼任如絲
愁來解釋依紅友興到吟哦愛白詩
邊境廓清民復業往來八月未爲遲

和韋總戎軍營寫懷二首

觸蠻聯楚粵

天討壯三軍恍似西風起驅除萬里雲

轉戰懸軍入身先矢石中但能無喪失不欲尙奇功

師還

師行紆八月十戰楚南陲勝負何能料安危不可知
皇威能遠屆臣職盡當爲每到艱虞處吁嗟繫我思

庚申除夕

南楚歸來日青陽逼歲時一杯除夕酒奠爾死綬知

春雨

彼穠桃李雨爲讐待到晴時花已休對物言情人亦病豈緣
賦命本窮愁

早蚤

唧唧蚤吟入夏時羽書旁午便神馳可堪不寐閒牕下聽爾
頻添酒數卮

次韻溪城觀漲

積雨連朝夜千山水匯川奔騰欲浮樹泛濫遂侵田舟疾金
梭擲灘平雪浪旋沙鷗偏泛泛徙倚戎樓邊

和醉翁韻二首

吾亦杖頭挂百錢陶然常向酒家眠那堪吏部常翻甕無那

翰林不上船

清俸何堪乞酒錢
閒來消遣對愁眠
好將歲月催三雅
莫計他年屋住船

醉仙二首

茅屋蕭疎八九椽
依山傍水合天然
琴書以外無長物
鶴髮童顏一醉仙

山深水曲羃雲煙
長買風光不用錢
此老胸中涵萬有
莫教錯認酒中仙

端午

角黍爭嘗日午龍
舟競渡天中世
上徒娛兒女古
來誰哭英雄

題九谿廨壁

官閒緣地僻不似武昌時角勝三杯酒淡兵一局棋軍民喜
和輯升斗望經持更有開顏處香山長慶詩

次溪晚韻

政簡饒清興溪平類落潮汀煙籠翠竹珠露上青苜把卷南
榮暗銜杯北海招山城無限趣峯疊水源遙

晚興

寂寂溪城亦在公公餘午後覺心空踈狂酒興聯吟裏斷續
碁聲落照中老樹嵐披殘靄碧歸禽影帶斷霞紅虛名原不
關輕重憂喜無勞問塞翁

辛酉六月黔苗蕩平志喜

炎暑正流行黔苗喜蕩平中庭堪露坐邊地憶長征筆陣還
酣戰碁枰尙苦爭何如從小吏不必借干城

喜雨

雲羃山腰折風吹雨腳旋赤曦藏霏霧黑蜃起淵泉四野甘
霖遍千倉富有偏晚涼開霽後深樹聽鳴蟬

秋意迴文

森森翠竹弄清風鬱鬱蒼松繞碧空林蔭生涼微退暑岑雲
絢綵耀飛虹

舟行

百丈遙牽破石尤水天同色望中收此行縱不思鱸膾卻載
江湖一片秋

泛洞庭湖

洞庭湖水接天流極目蒼茫萬頃秋曉日波光紅泛泛暮雲
山色碧悠悠風濤自信依神力書劍從來與古謀承乏九谿

剛六載凌波五次盪輕舟

暮春積雨

雲壓山嵐瘦煙凝水氣重
亭陰疑晝掩柳暗似塵封
不覺春情淡還餘客思濃
過多妨稿事每遣問三農

仙侶洞

洞府丹成不記年
至今勝跡著山川
紫駝高聳千峯仰
白馬飛流一泓懸
靈秘深藏金簡底
清虛恍在玉宸前
道人久住渾相忘
可識仇池小有天

玉皇閣

玉皇高閣峙山巔
呼吸遙通帝座前
未許羽流分法界
卻教花雨散諸天
舟行斷續長林下
飛鳥差池疊嶂邊
我與闍黎雖異轍
六如參透總超然

黃鶴樓

鄂渚聳仙樓竒觀一望收
八窗接雲影萬派滙江流
崔顥詩稱絕
禰衡怨未休
梅花銷玉笛黃鶴付悠悠

粵行雜憶八首附家書後

邗上迎

鑾領

玉音棄瑕感切小臣心
嶺南紆路三千里
敢畏長途暑氣侵
數載鄉園久奉親
馳驅又作出山人
承歡菽水時依戀
迎養爲難未得陳

瑟好琴耽得未曾
高堂畱奉理相應
秋風如舊分南北
切莫深閨別怨增

家庭原樂叙天倫
今此長征祇一人
薄宦天涯休念我
但勤

生計不憂貧

淑質柔姿誨愛同
肅離和順理須窮
幼年汝輩常依父
今日都歸遙憶中

既爲子婦比吾兒
相勗相親總不私
寒素家風宜習慣
女工贊助不容辭

任勞任怨總安貧
小婦當惟大婦遵
實命不猶知自愛
他時未必不如人

崢嶸頭角是孫兒
記誦惟勤正此時
他日成名慰我意
庶幾春上萬年枝

遊百花洲

百花洲上百花芳
亭繞澄湖樹繞廊
三十年來成一夢
祇今又復過南昌

登滕王閣

登臨高閣動商風南浦西山望不窮物換星移增感慨惟推
一序子安工

張家渡謁文丞相祠

丞相畱名有幾人巍巍信國獨成仁張家渡口荒祠在一片
丹心照水濱

題河頭廨壁二首

恩鑿中州移粵東頭銜雖別意冲融地連四郡山層疊風物
九谿大畧同

嶺南畢竟勝天中氣肅秋高勁角弓精力漸加因較藝相規
理法悉能通

阮諱琴堂

字鶴隨號邁湖儀徵生員
元之叔祖也子承昊承孟

冬至月杪友人招集觀素心黃梅分體得雪字

三九初交風凜冽獨有黃梅傲冰雪主人愛客兼愛花紙閣
圍爐盛陳設呼童揀取繁枝折挿向膽瓶同玩閱我起浩歌
坡老詩玉蘂檀心兩竒絕東君蠟丸信暗拆返魂差勝龍涎
燕不須問法老瞿曇諦宜香味廣長舌雅懷原與素交結掇
取含苞共茶啜辛邊帶苦最清竒獨憶廣平心似鐵

阮諱

金堂

字宣廷號懷州又號容髯儀徵增廣生員元之從叔祖也子承春鴻俱生員

鑿冰行

鬢發栗烈風號空長河之水成晶宮千艘阻絕行不得奮呼
開鑿聲沖沖舟行銜尾波蕩滴羊角稍弱羊腸通大凌觸舷
劇犖确小凌琢擴驚琤琮彼招招者慮舟碎側目但作愁胡
容是時白日當高春亟行不可徐行從攀躋尺寸頗艱澀紛

紘管檄爭豪雄邗溝漕渠三百里但看經過無畱蹤所賴來
舟亦努力欲行之心無不同戒爾舟子勿少懈方鑿又凍尤
難攻

春感

餘寒仍薄暮春絕判東君花落無人夜湖空何處雲幻緣參
小劫幽感託微醺問訊梁間燕芳菲剩幾分

阮諱

承裕

字衣谷號問夫又號溶江儀徵廩生乾隆壬辰歲貢元之從也父也子嗣興

爲友人題照

春雲駐曉山春雨發華木窈窕石蘿深藹然見茅屋牕翠冷
古松籬烟澹修竹花氣吹午香苔色坐晴綠襟涼一樹風槩
響雙岩瀑溪影淨駕鳧林熹耿麋鹿吟嘯寄長霞須眉鏡新
淚揮手謝塵埃素駕詎云俗

阮諱

承德

字純一號健齋元之世父也以子兆麟官贈奮武郎公晚年放于詩酒所著稿隨手散失

今輯錄
得六首

題山水畫冊

一片晴嵐照眼明
溪光樹色冶春生
筆端蘊藉傳天趣
知向山陰道上行

深柳書堂面面風
曉霞低蘸藕花紅
何人盪槳來烟浦
十里清光玉鏡中

山疊林迴徑路窮
蓼花夾岸小橋通
人家隱隱炊烟淡
應有村雞啼午中

清霜一夜樹深黃
孤艇乘秋到草堂
雅有東籬千本菊
小橋流水亦生香

幽居不厭亂山深
報道秋來霜入林
小住情怡青澗裏
長歌

聲透碧松陰

耶壑經營著意新
宜秋宜夏更宜春
若教飛雪冬來滿
步屣尋幽有可人

歙江氏詩

甘泉林慰曾填諱

江諱

承玠

字指五號拙菴父諱演由歙遷揚州公其次子也官浙江台州知府調嘉興陸兩浙江南鹽驛

道多惠政愛民教士天台齊次風侍郎爲公所識拔故侍郎終身執弟子禮甚篤

東關門觀荷

清標偏出自泥中
淨植亭亭

御苑東檀粉一莖勻
淡白絳綃千疊簇
深紅粧凝明鏡澄
秋水人過平池儼
蕙叢攜得爐煙滿
襟袖芰荷香裏共
吟風

暖香紅霧不教歸
碧玉池頭入望微
十丈華峯安可卽
一枝禁闥自相依
凌波不闕朱顏麗
太液應羞解語肥
向晚涼颺

吹雨過翠盤擎出盡珠璣

江洪

字蒼舒號芝亭元祖妣江夫人同胞兄也本籍歙縣祖演父瑞倚居揚州遂入籍爲泰州生員性航

經史兩心世務康熙間以例授刑部督捕司郎中兼三司事案牘明敏諸曹倚重俸滿授甘肅臨洮府知府調西寧解驛匹軍營候期發屯田効力乾隆初奉

青

送部引見投宣化府同知嗣以終養告歸子一振箕候

西寧道中

日落西風怒馬嘶愁看甲士卧牛犀軍儲豈敢疎俄頃劍橐
何堪倦挈提塞草驚沙團暮帳陣雲熱火響寒輦鄉心到此
俱成燼休說艱難運不齊

偕家麗田遊黃山

嵯峨山勢當空矗拾級而登途起伏循沿躡足相徘徊九道
飛泉浴心目須臾直上步雲亭亭前苔蘚多青青靈錫音收

香雨散梅檀龕覆鑪煙冥其間石隙藏禪室木蓮花下頻延
客冷然鐙響煮新茶環覩荆杉如列戟嵐光離合無定容神
霧凸凹緣崖封石獅踞地忽欲吼松濤萬派噴蛟龍穹天低
蓋地接軫混沌一氣噓萬蜃雲霞瀾漫詫竒觀幻海浮瀾豈
兆朕從此緣登一綫天絕頂明月唳哀猿猿聲未住客歸去
數峯月色徒娟然

江

諱暹

字于升號容齋芝亭公同胞弟也江都學生員能
詩善奕一時國手如范西屏施定菴輩皆久館齋

中海內奕

者雲集

盧雅雨招往篠園看桂時往深莊未預卽次原韻

露涼風靜桂花秋聊趁公餘作勝遊屏列東西香滿座樹迎
賓主翠侵眸鸞坡鳳閣沾新雨酒盞詩瓢釋舊愁未得摳衣
隨杖履荷鋤辛苦悵江頭

江諱春

元撰傳云公諱春字穎長生時有白鶴之祥故號

皆以鹽焚起家康慨好施予周貧乏修津梁動費萬金

並以公貴封贈一品階公性警敏為金壇王太史步青

弟子善屬文工詩與程綱修葺星齊名補邑學生員以

五經應試未第遂出其才治鑿業上官知其能檄為總

商凡重事皆與筆畫乾隆十六年上巡幸江浙揚

州迎公勅立章程營繕供張織細畢舉二十二年南巡

駐蹕金山召對稱三十年南巡親解賜金絳荷包

授內務府奉宸苑卿三十年南巡賜福字金玉如意

淨香園蒙御書怡性堂額賜福字金葺新之

城東南高阜曰康山相傳為明虞海讀書處公葺新之

四十五年四十九年南巡賜額上喜平山之外得

近處小憩遂再幸其地南巡者六祝賜詩公理離務

四十年中凡祗候駕天津山左者二最後入京赴于叟宴

壽者三迎駕大典禮及工程災賑兵餉捐輸上官凡有所

籌畫惟公是詢公才器識超專心國事不顧私計指
顧集事又更事久強記善用人苟有益于各省轉運者
知無不為規遠利而不急近效周急濟貧加意于書院
養老院育嬰堂諸事務太堂給貧月銀有增無減每發
一言畫一策羣商拱手稱諾而已羣商之受指揮不便
其私者或退有怨言然而兩淮提引案發逮治羣商首

總黃源德老疾不能言餘皆自危于斧鑕公毅然請當

其事 廷獻時惟叩頭引罪絕無牽引 上知公無

私罪官而不及商所保全兩淮之人甚衆太監張鳳以

銷毀金冊捕逃頗急鳳至揚州謁公公于杯酒間縛之

上飭封疆大吏之失察者 特授公布政使司

上深知公誠蓋有長才每見之輒加詢問公貧無

私蓄 號曰廣達每齏使者出都必 諭曰江廣遠人老成

可與商辦前後被 賜御書福字貂緞荷包數珠鼻

烟壺玉器藏香拄杖便蕃不可勝紀加級 誥封至

光祿大夫公偉岸豐頤美須髯喜吟詠好藏書廣結

主持淮南風雅北郊鐵佛寺荒寒多紅葉公數招杭太

史世駿諸香館賦詩一時文人學士如錢司寇陳羣曹

人懸像寒香館賦詩一時文人學士如錢司寇陳羣曹

學士仁虎蔣編修士銓金壽門農方南塘貞觀陳羣曹

章陳玉几撰鄭板橋燮黃北垞裕戴東原震沈學子大

成江雲溪立吳杉亭領金樓亭兆燕或結縞約或致館

餐虛懷平節入樂與游過客寓賢皆見優禮與玲瓏山

館馬氏相埒所著有黃海游錄一卷隨月讀書樓詩集

數卷公感 國恩竭力圖報治公事戴星出入暇卽隨

事詩酒不自持籌算私積言事者數十輩林立隨

方應付食頃已畢或曲劇三四部同日分亭館燕客

至以數百計恒以長物付質庫分給數庖應之公以乾

隆五十四年積勞致疾卒年六十九卒之日家無餘貲

賜帑未繳齋產及金玉翫好以足數公無子以弟

助次子振鴻爲嗣上知其卒後貧復賜帑

諭振鴻業難以繼其父振鴻弱冠能文勤謹儉

約力闢起其家不敢負上垂念舊商之恩也

三月十三日從江村結伴作黃山遊爲風雨所阻

昨日望羣山今晨山不見峰巒雨腳垂溪流雨聲變似欲秘
靈竒煙雲斂顧眄惆悵理行色徘徊生繼眷如何邁往心隔
夕徒空羨

朝曦初暄晴山在望乘筇輿取道豐口過許村午後冒
雨行數里抵徑嶺止宿

昨朝方戒途雨阻欲無路今晨思啟行開門滿晴煦雨若拒
客來晴若招客赴山靈本無心招拒詎有故兀兀筇輿中漸
與賞心遇但愛前山雲飄然媚輕素

天紳亭

天紳亭對九道泉飛空直下青山巔銀河奮出爭倒挂鱗鬚
鼓動聲雷填之而攫挈衆山卻跳珠濺玉聞鏘然安能身置
苦竹間仰面落雪水底眠酒酣戲作五里霧乘風嘯雨空中
旋

靈錫泉

東國神僧蹟溪傳靈錫泉緣堦蒼蘚滑掃石翠雲鮮香雨諸
天洒梅林一道穿清風發幽籟心賞自冷然

雲谷

領妙如悟禪搜秘等居讐看山得是法善刃無全牛予雖乏
濟勝足與耳目謀諸峰悉橫陳錯采紛雜投一一可指數其
名均可求惟有雲外峰虛無渺難收徘徊復顧眺日落尙夷
猶

九龍菴

靜通一徑邈高岑，蒼翠重重覆遠陰。
僧爲精修營小構，客於佳勝費幽尋。
拈來塵尾心殊契，放下茶杯味特深。
乞得木蓮花數本，他時小墅蔚成林。

接引菴

侵曉試攀躋，幽尋意已迷。
松身橫跨谷，嶺路直乘梯。
橋信仙人渡，身看鳥翼低。
如何纔一瞬，大海白雲齊。

雲海

曉登始信峰，俯視衆峰如立錐。
直下百于仞，四面攢集同積蘓。
白雲縷縷忽焉起，空中變化千萬殊。
有若金鼓駭萬馬，奔騰排軋爭危塗。
又若曲江湖飛山，卷雪迴狂飈。
白地倒海忽平鋪，三十六峰遭吞屠。
雲帆煙柁，雖不見點點浮髻。
時有無

淮海書集卷之九
虛吸太虛入縹緲俯仰色界難畫圖平生奇觀詫第一物外
供我神靈娛一笑塵中局縮轅下駒曷不求爲造化徒垣規
瓦壓胡爲乎

擾龍松

帝松久已謝泥塗雪甲冰鱗瘦不枯一夜雷聲塵夢破四山
風雨起龍雛

天都峰

中天翠色豁然開高削瓊峰插斗隈呼吸九霄通帝闕噴
萬笏擁仙臺煙光海上浮三島雲氣巖前聚八垓何必崆峒
遠相訪定知颺馭有時來

慈光寺

初日開重陰清暉散羣阜雨餘寒氣束林樹紛雜蹂散壤上

香臺依回佇延久前峰若解籀離立盡崕嶮蕭蕭氣體淨獨
立空諸有偶憶先人言長吟一回首

湯泉

碧甃圍成沼硃砂涌作池温其如玉處清可濯纓時淡日桃
花色輕漣硯子綠

青州有紅絲硯

煩襟爲一滌快若好風披

庚辰夏水南花墅復開並蒂芍藥十三枝雅雨盧公重
過讌賞卽事賦呈

昨歲竒葩獻一枝紅廳綠酒正酣時今年花墅重呈瑞博得
瑤華七字詩

揚州遍地是樓臺藥圃重重亦並開一朶雙花隨意數剛從
二十四橋來

小墅發花傍水南駢枝通放十餘三明年春色還應倍預向

淮濱李靈身
韓公宴上探

宿玉峰菴

此地曾三宿迂迴逕可尋山風吹落葉高樹靜鳴禽
偶爾聞清梵因之生道心披衣還起坐幽興付長吟

登觀音巖次韻

有級堪登卽坦途俯窺斜照映金鋪千尋雪浪東歸海一帶
紅旆半入吳鷹趁風巖雙眼疾天因秋老片雲無振衣欲下
重延佇月色紛紛滿荻蘆

新月

三五稱佳夕清暉自昔聞今看新月早已覺夜光分無力穿
踈慢如鉤隱暮雲卻憐牆角上花影欲紛紛

三兄齋中木蓮初放烹惠泉瀾龍井茶招賞分賦

黃海滋奇葩天教老巖壑阿兄稱好事移來廣陵郭今年
月中花開頗綽約旱地栽芙蓉高枝綴芍藥賦質雖略同敷
色均不若綺席招羣英華燈交錯落泉取惠山清茗將龍井
淪雅坐絕喧囂詩成方命酌既對故鄉花復敘天倫樂花亦
解人性雲霞擁聯萼

初秋自新安抵廣陵與諸君子談里門山水之勝

緬昔丁卯春曾攬黃海勝及茲十七載欲往期莫定得歸自

初夏尋源泝舊境練水游空如

水經注魚
若游空

飛布插天稱

飛布
山名

露花覆汀洲風泉鳴石磴朝嵐景光幻遙岑奇秀孕佛宇霞

擁城村炊雲出甑惆悵迴輕橈魂夢戀清磬榻來值新秋涼

颺動遐興羣彥羅西堂芳樽佐盤飮歷數山水佳四座無倦

聽諸君當臥游子言可取證

淨香園卽事

重重深柳覆亭臺五月池荷尚未開
高潑浪花舟競渡繡旗低捲綠雲來

揚鬢奮鬣去逶迤鉦鼓聲喧勢疾馳
蹙踏波心身手捷萬人爭看奪標時

竹西秋望

寺外孤亭聳鬱盤每來高處總開顏
憑欄縱目斜陽裏秋在江南一帶山

秋夜吳魯齋使君暨汪秀峯陳對鷗
金棕亭沈學子汪石恬集飲小齋卽以
使君所遺韻分賦得屑韻

使君中湖來秋風片旣瞥遺我平水韻
四聲森以列散爲百七籤粲然衆星揭
貯之青瑤筒摩杪竹光潔掃逕迎嘉賓
壺

觴次第設忘形脫冠中譚藝濯冰雪拈韻類藏鉤健筆鍊屈

鍊門竒出險次論工在穩切得句人皆驚含意味不竭吳侯

掣海鯨羣公霏玉屑慙予昧音讀急緩苦難別高謬注淮南子有急氣緩

氣讀卽聲韻反切之始簞藏寶篋笥韻奉作圭臬哦詩博衆譁聲亂寒

蟬咽

輓馬半查

少微入夜落銀河把卷無人詠澗阿前輩餘君今又喪西州

掩淚忍重過等身著作傳江左

當代辭徵讓大科地下還應續風雅廣陵詩客似麻多

江 昉 元作傳云公諱昉字旭東號橙里又號硯農鶴亭

與台州府事陞浙江鹽驛道 諱承玠以戶部郎中歷知浙江嘉

多惠政母宋淑人早卒篋室萬淑人實山公三年而及

篋室劉淑人教育如已出覲察命公事之爲慈母劉淑人之歿也公哀毀行斬衰三年喪請封于朝不知禮

者或議之按儀禮喪服經傳曰慈母如母死則三年如
母貴父之命也國朝定制慈母如母斬衰三年講所
生母死父令別妾撫育者吾固曰公知禮制公之孝也
公性恬靜幼承親察清白之訓內被淑人折夢之教遠
絕靡麗惟以詩書自娛所著晴綺軒詩意境清遠得宋
人高格尤慕姜白石張叔夏之風爲晴綺軒詞清空蘊
藉無繁麗弱衰之倩除激昂號之習可謂卓然大家
者矣又嘗集宋人七言詞句爲絕句詩妙思清響如出
已手所居紫玲瓏閣名士之至揚州者無不解屢興化
任進士成晉公之師也任公子侍御大椿以經術品行
爲公友天台齊侍郎召南爲諸生鼓篋敷文書院觀察
遇之極厚爲觀察門人與公亦以學相長錢塘厲太鴻
鷗嘉興王穀原又詹賢鶴亭公諳賓客多主公家湖舫
山輿聯吟峴句殆無虛日一時文讌之盛稱二江公家
公狀端凝性仁厚周悉無德色詩人方介亭和嘗被陷
公委曲用心以厚賞免之汪雪嶼泰貧不能出戶公濟
以服食共吟詠薦于鶴亭公如此類者不勝紀隨筴最
稱湖北領之者立致巨富然積弊難釐鶴亭公俾公領
之數年婦囊無餘費至嚮田宅以償逋晚年尤耽山水
有別業在蘇州太湖西嶺山曰西嶺山房嘗扁舟爲梅
花往筆床茶竈得天隨之趣乾隆五十八年卒年六十
七候選知府誥授通議大夫子一振鷺鹽運同知
銜能詩

工書

晴綺軒集詞句

選二十九首公自序云春來佳興每感

詠無子京兄弟之才垂柳堪憐唱乏樂天齊輩之

勝因藉現在孤裘遲以自家鍼綫篋匿影靜翻琴

趣諸篇微韻選聲祗摘樂章七字寫景則裁紅暈碧

按詞則換羽移宮綠陰青子終歸雲散風流白露黃

花又見霜明月皎聽萬家之砧杵聚四壁之蒼聲此

際含毫還替閨人寫怨一時伸紙盡為客子填愁半

律吟成雙鬢教唱酒邊花外重尋唐宋之音小令長

識春自諳略殺元明之句語同鑊楮偶學剪綃時在巳卯小

東風料峭雨難晴陣陣飛花惹恨生幾度問春春不語亂飄

鴛瓦細無聲王炎無名氏

悄倚西樓第幾闌六銖衣薄惹輕寒金徽昨夜初賡月折得

梅花獨自看周密韓偓

堤上粼粼柳色明草香沙暖水雲晴江南二月春深淺初聽

黃鸝第一聲吳元可趙夢得

落英點點拂闌干瘦影難敲月墮看一曲銀鉤簾半捲小樓

吹徹玉笙寒

謝逸

劉翰

陳三聘

李璟

夕陽低映小窗明寂寂閑庭雨乍晴春思半和芳草嫩新愁

還入賣花聲

毛文錫

唐世翰

江開

殘花微雨隔青樓聽得吹簫憶舊遊不分小庭芳草綠一春

長是為春愁

顧曼

孫惟信

辛棄疾

暗折雙花惜小春一簾踈雨細於塵舞衫寬盡不堪著鏡裏

青鸞瘦玉人

張先

王同祖

張可久

樓倚江邊百尺高垂楊慢舞綠絲條柔腸一寸愁千縷安得

并州快剪刀

張先

歐陽修

汪元量

抱雲勾雪近鐙看風韻蕭疎玉一團蜜炬垂花知夜久錦屏

羅幙護春寒

張先

周文瑛

歐陽修

暗飄龍麝錦幃傍金鴨猶殘昨夜香鬆髻歎雲慵不整凭闌

心事隔垂楊

顧

袁去華

呂渭老
吳文英

翠袖風前冷不禁綠楊庭戶靜沉沉新聲傾奏移纖玉閑卻

梅花一曲琴

張

輯

徐照
汪元量

絲絲楊柳絲絲雨一夜東風一夜深寒食清明春欲破重簾

雙燕語沈沈

蔣

捷

宋妓朱秋孃
韓

絲絲楊柳美輕柔祇在溪南卷畫樓細草平沙花夾道一程

煙水一程愁

王

雱

辛棄疾
史達祖

碧落仙人著句清小詞流入管絃聲畫堂宮徵生離別雲爲

歌新不忍行

侯

寘

晏殊
無名氏

夕陽影裏記徘徊玉砌紅芳點綠苔簾外櫻桃花半謝一庭

春色惱人來

楊

慎

無名氏
魏承班

佳梅共靈集

戊集

卷四

三

一灣柳護水房春芳草畱香燕語新滿架薔薇花欲謝日高

深院靜無人

張炎唐世瀚

明媛沈宜修晏殊

碧紗如霧隔香奩風遞薰絲出繡簾祇有輕寒渾不定落花

微雨恨相兼

賀楊

鑄

馮鼎位孫光憲

簾幙輕迴舞燕風雲屏冷落畫堂空最愁人是黃昏近一樹

梨花細雨中

盧祖皋張炎

馮延巳陳克

藕絲衫袖鬱金香花柳分春各自芳二十五絃彈未盡玉簫

一曲杜韋嬖

晏幾道晏幾道

無名氏舒亶

玉閨深掩過年華簾月樓空燕子家又是闌珊春色暮風迴

香雪到梨花

歐陽炯柳永

王予可韓流

又攜書劍路茫茫祇爲林泉底事忙二月東風催柳信踏花

歸去馬蹄香

辛棄疾晏殊

全上宋京師妓

小小紅船西復東，淡黃衫耐藕絲風。迴塘深處遙相見，奴隔

荷花路不通。

宋宮人袁正真。王世貞。李珣。閩宮人陳金鳳。

月華猶在小池東，涼滿庭心夜色空。梧葉窗深調玉軫，素絃

一一起秋風。

毛滂。李彭老。無名氏。吳文英。

月高霜白水連天，有意沙鷗伴我眠。江上曉風三四點，採蓮

人語隔秋煙。

薛昭蘊。宋高宗。歐陽修。王俛。

清簾踈簾一局棋，已涼天氣未寒時。玉鉤闌外香堦畔，長笛

誰教月下吹。

黃昇。謝懋。晏幾道。

素雲凝淡月，嬋娟不啻人。愁獨自圓霜，冷闌干。天似水，數行

新雁貼寒烟。

晏幾道。辛棄疾。孫惟信。

碧雲冉冉蘅皋暮，斷續寒砧斷續風。鴻羽難憑芳信短，水村

殘葉舞愁紅。

賀鑄。馮延巳。盧祖臯。柳永。

淮海英靈集 戊集 卷四

萬般惆悵向誰論百尺樓高空斷魂寒雁一聲人正遠娟娟

霜月冷侵門

韋莊
杜安世

李甲
程垓

十年香夢老江湖一斛明珠換綠珠舊日愛花心未了相逢

還解有情無

程垓
張可久

蘇軾
晏幾道

江

諱

振箕字元翰號星疇芝亭公子侯選州同知元之妻父也工書能詩性愛雅潔筆硯几席無不精良

臨帖縮書罕
接塵俗子真

早發錢塘江

海門垂匹練山塢起層雲白露一江合紅霞千樹分帆移
曉色杯酒滯朝醺近接嚴陵路鄉音次第聞

雨後和梅賓姪原韻

風高蟬迴過林坵溽暑旋經驟雨收塵尾話涼無限好鶴肩
吟瘦太多愁樽前濁酒浮生訣天外閒雲出世由想到故園

峰似翦

翦刀峯黃海山名

未知裁就幾分秋

江

淳

字景厚號健堂任湖南沅陵縣縣丞
隸歙籍生卒皆在江都年七十一卒

春日江樓苦雨

結伴來江館春陰護遠村踏青空蠟屐浮白且開樽薄醉慵攤卷閒愁深閉門幾時同曳杖流覽盡朝昏

歸雁

二月江南草正肥橫空征雁苦思歸回頭尚憶衡陽路直到榆關影漸微

暮春

隔江深樹淡煙封暖入書堂起漸慵梁上朝飛雙燕子落花添得墨香濃

江廷泰

字階平號益堂江都人乾隆壬申舉人丁丑進士
官湖北竹谿山西武鄉知縣署沁州知州乙巳赴

千叟宴卒
年七十三

遊黃山訪家麗田兄

靈奇表天外有此神明境無石不離奇無松不秀挺寒光漏
夾壁飛泉落雲影聳身學猿猱側足勝蛇蚓盤空通一線窅
然入智井振衣上陽阿海雲盪胸頂須臾忽變滅但覺千峯
靜吾兄脫塵鞅心空要俱領撫絃每動操令我俗慮屏所願
從之遊烟霞朝夕永

遊山寺納涼

籃輿入古寺數里竹嫵娟綠淨啼幽鳥陰深響亂蟬簾垂青
嶂合檻隔碧江懸一榻風能借清涼得地徧

江嗣堦

字晉昌號青渠江都人廷泰胞弟善畫能詩卒年七十五

高郵三首

覆孟城外水黏天粉堞參差送畫船高臥柁樓夕陽落蓼花
三十六湖煙

垂楊如薺草如茵鏡面平隄不動塵篋社湖中秋色好採蓮
人是弄珠人

滿湖明月過秦郵憑借清光草木秋一段淮南好風景畫圖

誰復繼文游

李公麟有文游詞

江文字銘尚號竹岡先歛籍生長江都乾隆甲午歲貢卒年六十七

和林珠浦秋日登文游臺原韻

名邦近接廣陵濤湖海文人氣自豪當代論才推八斗一塵
出守夢三刀下車問俗咨葑菲入幕多賢聚雁羔且喜四郊
禾黍熟撫綏應解寸心勞

仙吏華陽美績聞三年報最著廉勤衙齋直傍三清宅寶籙

曾披十賚文愛聽松濤移午榻更尋荷露點風翳珠湖亦有
珠林勝山水名區遞策勲

咏佛手柑

亭前嗅得木犀香暑退纔生滿院涼一覺蒲團禪未了西來
十指拂雲長

西山林氏詩

江都耿弓填諱

林諱

文璉

公字聖與號得齋甘泉人太學生世系出福建
莆田明天啟間遷江南鳳陽繼遷高郵又以水

患乃居甘泉之西山陳家集至公凡五世元之曾外祖
也公年十一善屬文弱冠通五經大義家饒田宅不求
仕進銳意于詩古文詞尤精史學好歐陽永叔文以為
聲牙佶屈詭奇隱僻非文家所重故所為文安雅和適
詩則汪洋渾灑取法少陵能默誦全集積書十樹如通
鑑十七史皆手自丹墨績學之勤莫與比也天性仁厚
好施予助耕助讀一鄉賴之嘗書聯寄季子大田令梅
谿公云留意莫無餘一點驚心切聽鼓三聲大田公遜
之于堂公卒于乾隆二十六年八月十四日得齋文稿二卷
林郎所著史疇二十卷閒覽筆記十卷得齋文稿二卷

詩稿四卷公嘗選錄王維孟浩然高適岑參之詩爲四
家詩鈔元母林夫人傳之以授元元幼年學詩實自此
始

初度書懷十首

丁酉暢月子懸孤辰四十度矣昔陶宏

景年三十六奉朝請猶云頭顱可知矧
年過此而學名不及者乎拙守山邨一無所就卽向
平五嶽之願猶有待焉觸景言情感今慨昔率於詩
寓之漫賦十

章聊用自遣

四十頭顱愧祖鞭飛騰偃息總茫然少游下澤言非謬宗慤
長風志已遷荷鍤自甘終老圃焚香時復對新編年來碌碌
君休笑博得寒宵穩醉眠

每吟風木憶高堂涕泗闌干恨正長慈母音容難髣髴嚴親
教澤畏淪亡瞻依永夜悲魂夢拜獻何年愧顯揚回首斑衣
如昨日墓田松柏已蒼蒼

惆悵蓬門日月馳索居亦自暢襟期旗亭雪滿沽新釀茄屋

梅開和舊詩食美衣輕非素志腸肥腦滿憶兒時年來斂跡
韜光意只有閒花濁酒知

卜築荒村遁跡深自慚與世共浮沈聲名縱滿時人口俯仰
終非壯歲心揮塵笑談甘淡漠閉關風雨絕招尋天涯知己
今何在芝朮相攜共一岑

塵世何煩拒太嚴閒中樂事亦相兼春山約伴朝驅馬秋月
窺人夜捲簾酒戶但嫌杯底窄詞源豈仗筆頭尖崢嶸空負
鬚眉壯懶對家人課米鹽

遨遊白下舊交稀記得聯吟上翠微絕壁時攀朝露濕斷峯
遙指暮雲歸三人屐遍樓霞勝二妙琴亡宿草肥此日空懷
山水意寂寥誰共撫金徽

余年三十時曾借張雨公李華若
遊金陵樓霞山今二子俱下世是

惜用碗

株守伶俖負歲年，懶從習俗啟芳筵。
畢生何事期鐘鼎，孤館無心問管絃。
幼子未能通典故，交珍重贈瑤箋。
所嗟樛櫟人，應棄藻飾徒榮祇自憐。

久憑詩筆寄心神，法律儒家自得真。
敢與時賢矜藻麗，但收閒景入陶鈞。
偏餘氣味同田叟，頗有精神見古人。
閉戶獨吟還自笑，暮年誰爲指迷津。

耕耘負郭有田疇，不向朱門作蒯緱。
種竹栽花容小隱，酒樽詩卷儘消愁。
散材書史原相稱。

聖代耕桑獨自謀，試問前身何所似。
天邊野鶴水邊鷗。

新詩十首賦平生，玉版烏絲細寫成。
持酒最能邀戚友，捫心期不愧神明。
住山歲月猶堪數，閱世心情定有評。
遙望鏡湖尋夙願，春來定挂一帆輕。

詹讓翁代錄歐文甚工賦此誌謝

愧我衰遲似夕陽多君翰墨重詞場
然脂暝寫松煙潤弄筆
晨書竹露香楷法于今追季海
文章從古重歐陽琅函便欲
珍雙絕夜夜虹光護草堂

秋暮覓得郡城異菊數本移置齋中邀同社共賞

妙選東籬幾種來綠樽紅蠟共追陪
花當隱逸閒人賞秋值
晴明笑口開照影最憐涼
月瘦銜杯便覺玉山頹
重陽風景
眞清遠坐對寒香日幾回

林諱

廷和

公字致中號梅谿得齋公之長子母王太孺人

不仕盡以所學授公公幼聰敏經史百家靡不綜覽文
律雍和有鐘呂雅音詩學唐人中乾隆癸酉舉人官福
建大田知縣慈祥愛民屢有疑獄決發無冤隱素廉潔
好施予自出任後鬻產助官用故家業中落乾隆二十
六年得齋公卒公聞計哀毀致疾手書行狀始成未三
月亦卒于闕年五十五閩人痛惜之卒後藁無餘資且

多負軀航海由浙江乍浦歸廉可知矣公子五人長體
開次名開出繼次諱閻次諱閻次諱閻早卒女三長仰
元母林夫人所著有
石竺山房詩集四卷

盆蘭

九畹生芳種分栽小盜宜空堦人靜後書幌月來時培養經
年密襟懷此日怡名同王者重莫任晚風吹

平樓與家伯叔父小飲

小園三徑草初芟讌集相邀籍與咸簾外篆烟猶細裊樓頭
明月已初銜梅花庭院圍朱檻楊柳池塘傍碧岳淑氣漸浮
人意煖酒痕紅欲上春衫

遊觀音閣口占

閣外垂楊濕曉烟紛紛遊女盡嬋娟春衫輕薄春風軟人在

東風二月天

隣梅

紛紛香雪滿疎柯欲賞其如隔院何
一種癡情還自笑好花偏是別家多

村中望雪

北風吹夢野人家曉起看山影盡遮
十里平原飛柳絮五更寒意落梨花
灞橋有客乘孤蹇剡水何人泛短槎
寂寞荒邨緣底事漫追玉局賦尖叉

人日

竹外梅花放一枝輕霜碧瓦日消遲
草堂有句憑誰寄簾幕無風祇自垂
勝裏金花爭巧拙樽中柏葉較醇醪
愧非學士清華筆也賦靈辰七日詩

登萬松亭次汪鴻臚韻

華亭聯袂上峭壁勢崢嶸雲過石無影風來松有聲天邊雙
鳥過眼底萬峰晴攜取殘霞去歸途正月明

和吳穎長廣文平山堂懷古原韻

春到平山競衆芳萬峰如笏拱虛堂檐楹日變風雲色礪壑
時聞松柏香六代繁華終大業千秋風雅始歐陽賢豪筆墨
盈碑碣又見先生賦短章

初夏閒居次韻

竹影蕭疎壓短檐一痕綠意上湘簾銅壺靜驗寅申箭玉軸
閒探甲乙籤花下論詩師友共風前把酒弟兄兼樹陰移過
斜陽盡明月窺人啟鏡奩

遊冶山

寂寂空山靜交交野鳥呼峰巔攢劍架泉底濺珍珠

山中有劍架峯

珍珠泉在

十景內 聯袂尋幽境乘輿過坦途巉巖當面峙欲上幾脚

躡

躋攀登絕頂勝地問仙踪一線長江遠千崖灌木濃野田開

繡錯石竇隱虬龍

地名老龍巢

騁望饒佳趣層雲欲盪胸

峯嶺方窮目斜陽又欲沈鐘聲來遠寺人影出疎林迴盼千峯矗遙憐萬壑深殘雲傍征路一任短長吟

余白嶽寄新茶

遙寄新茶仔細緘月圍香氣襲帷幃午風花落飛三徑松火烟明繞半簾晝永睡魔應可破日長詩思轉能添一甌霞脚浮輕碧讀罷南華又黑甜

和劉易谷前輩花朝集飲竹里韻

卽坡公二月三日點燈會客韻

柳鞦鶯嬌二月天花朝時節百花妍十千酒滿香盈尊廿四

橋邊月滿船竹里最宜觴詠事蘭亭應憶永和年山窗展誦
隨州句載酒他時欲問元

春日苦雨

盼到春光興正賒無端風雨妒芳華連天綠意迷新柳滿地
紅心葬落花江上一篙春水漲樓頭終日濕雲遮幾回恰被
鶯聲喚著屐來過賣酒家

較射

朔雲五色寶輪開象弭雕翎較射來記得龍堆春雪滿紛紛
獵騎射生回

丙辰冬送葉裕亭夫子歸里

化雨春風感不忘臨歧清淚濕衣裳金燈人去歸舟遠絳帳
情深別緒長客子篷牕聽夜雨生徒館舍感嚴霜吳陵珍重

來年約開到梅花待舉觴

秋夜對月

殘夜山如影關心又一年何期今夜月仍似舊時圓桂子三
秋夕蘆花一雁天冰輪終古在人事感紛然

湖中漫成

蒹葭霜冷釣人磯淼淼湖干車馬稀候雁時依汀草歇浴鳧
齊帶浪花飛侵晨野老浮槎去薄暮河魚易米歸一望茅簷
眠積水村村歎息爨烟微

元宵大雨

金吾玉漏寬今夕春雨何期妒此宵燈火六街人寂寂笙歌
何處夜迢迢團團兒女芳筵啟塊壘胸襟濁洒澆安得濕雲
都掃盡催將明月照星橋

渡江風雨

喧聲滿耳壯溟雷擊檝中流勢壯哉海上黑風吹浪湧江心
白雨捲潮回城連鐵甕行難到雲擁金山望不開默檢生平
幸無愧布帆安穩此中來

毘陵夜行

一片征帆暮靄凝夜潮爲報長毘陵吳程欵乃行須慮越調

哀淒聽最能

須慮舟名見杜集最能舟子見越絕書

驛舍過時嗥野犬疎林望

處見村燈一痕涼月篷窗底照見歸家夢未曾

虎邱

金虎騰精地繁華自昔聞笙歌移畫舫簪珥集紅裙松影琴
臺月鐘聲古寺雲劍池南畔路花落美人墳

嘉興夜泊

嚴城逕轉麗譙樓范蠡湖邊繫客舟長物祇攜三尺劍浪遊
已過百花洲破來旅夢聞遙笛抵得湖風仗敝裘比戶機聲
聽夜半此間景色最宜秋

與王緱山放舟湖上

湧金門外鏡湖濱圖畫天然到眼新十里鶯聲三竺寺兩堤
花柳六橋春者般山水堪容我如此樓臺合有人舊雨丁寧
畱後約秋風一櫂采芳蕓

孤山拜林處士墓

處士甘孤隱潛踪此地來有亭堪放鶴無地不栽梅花影涵
湖水秋陰鎖石臺停舟修一拜墓下幾徘徊

龍泓洞

聯袂窺空洞森然發冷光雲風洩虛隧毛髮慘陰房剜鑿天

工巧槎牙石肺長神龍時欲出霖雨遍遐荒

毀光寺

逶轉招提側毀光路可尋修篁應作塢短策便登岑雲影移
山色泉聲響樹陰登樓觀海日豪氣拓胸襟

遊吳山

盤磴上吳磯蒼茫衆綠圍石苔頻洗屐嵐翠欲沾衣雪隄含
陰靄鼇峰對夕暉雪隄鼇峯皆刻于石興來登絕頂足下白雲飛

伍相廟步高青邱韻

觀甲東門事業空屬鏤鋒斷霸吳功鄂王自比前身孝子相
堪同死後忠萬古潮聲吞落日千秋怒氣捲長風我來再拜
神祠下白馬靈旗想象中

謁方公祠

秋風獨上雨花臺正學千秋墓道開剩此一腔埋碧血可憐
十族盡飛灰江流不湧孤忠去礪道難隨故主來太息金川
門畔事鷄鳴十廟劇堪哀

謁景公祠

正學祠堂德有鄰丹衷皎皎各成仁捐生憤効荆軻術後死
全畱豫讓身扶目尚能驚帝子衣緋先已動星辰天心亦鑒
孤忠苦吹遍東風草不春

遊永濟寺

古寺岩巖俯碧空憑欄極目望無窮遊人倚竹衣全綠老樹
經霜葉半紅六代清涼鐘磬裏一江烟雨畫圖中廿年九覽
名山勝僧舊無煩姓字通

因公出郭范秀才畱坐占春樓二首

希文愛客今無匹邀我從容過草堂
偶向高樓資眺覽每從尊酒話文章
沿溪新綠添春漲夾道飛嵐冷夕陽
最是關心農事急風蓑雨笠極相望

曲檻疏牕四面環半依城郭半依山
相逢散髮披襟地只在焚香滄茗間
當砌雨澆花羃壁掠簷風送鳥絲蠻
俗塵萬斛愁千斛到此都教百慮刪

林

講

開公字玉珂號霏厓大田公長子補博士弟子後援例爲國學生公美須髯顧視清峻讀書勵節善吟

詠工臨池久客淮陰中年爲岱嶽之遊年四十八卒所著有霏厓漫草四卷子慰曾業儒跋會出爲季弟諱闕後

傍晚舟過富陽

趁得平潮過富春孤帆柔櫓稱吟身
沙洲雁陣排雲起荻港漁歌入耳頻
白鳥尚迎前度客青山如對隔年人
前途又近

桐江路千古高風屬釣綸

暫阻清湖

正苦征程路尚多行旌何事阻山阿愁看新月生沙渚時對
輕烟繞翠螺客裏鶯花宜濁酒夢中環珮憶銀河羈人別有
無窮感屈指關津喚奈何

雨中新柳同人分賦

雷塘西去柳千枝一帶柔荑濕雨絲春影半簾愁紫燕東風
二月冷黃鸝長條渺渺情如許弱態依依倦不支遙識靈和
前殿種迷離烟景傍龍池

登赤巖小閣

放眼名區霽色開倚闌凝望獨徘徊巖邊鳥掠殘霞去花外
人隨夕照來峭壁何年懸日月飛泉幾處走風雷一樽同醉

荷亭北吸取餘香入酒杯

畫眉

翩翩毛羽稱閒身，叫遍空山二月春。
鎖向金籠伴鸚鵡，畫樓喚起曉粧人。

次六弟桐江寄懷原韻二律

揚關分手上輕舟，正是桐陰一葉秋。
我輩東西驚去雁，比來聚散等浮鷗。
壯懷枉結三年夢，破帽能禁幾段愁。
客邸蕭然無限思，清風明月共勾留。

空對流光憶昔年，頻將血淚灑冰天。
庭闈寂寞何堪問，兄弟飄零劇可憐。
下榻但從徐稚後，著鞭一任祖生先。
秋來屢欲圖歸計，只恐西風馬不前。

次沈學子卽席見贈原韻

誦罷新詩憶少陵
冰壺瑩澈露華凝
才高早擅無雙譽
學宿應參最上乘
金谷此時傾濁酒
板橋何日伴漁罾
相逢抵掌茱萸節
欲和陽春愧未能

過程風衣菰蒲曲舊圃次楊嘯谷韻

曾見園林萬綠齊
重來怳悵水煙迷
殘碑已沒荒原草
新燕猶尋舊壘泥
此日閒尋偕老圃
當年陳迹指沙隄
多情只有空林鳥
尚繞菰蒲恰恰啼

秋杪赴胸陽舟次口占

廿年襖被歷江湖
悵望空天雁影孤
纔趁西風臨古楚
又憑秋水入靈胸
誰家砧杵連宵急
此地雲山到眼殊
最是旅懷禁不得
一帆涼月憶蓴鱸

歸自胸陽舟中漫興

紫蟬黃花滿地秋歸舟欵乃溯中流舉頭客路千檣湧屈指
官齋十日留月冷漫嫌雲影薄霜寒猶見柳陰稠誰家玉筴
飛聲遠夜半淒清聽不休

題程吾廬可以園次韻

林亭饒古意幽賞客來頻樹色侵檐密禽聲到耳新登樓邀
素月倚檻淨紅塵好景憑誰記風流憶穎濱

客中歲寒四首

客邸流光速驚心強自持那堪裘敝後又到歲寒時凍雀爭
簷瓦冰花結硯池捲簾一凝望忽起故園思
松竹應無恙其如澗別深月能臨遠地雁轉失遙岑何處霜
鐘急誰家玉笛沈聽來寒起粟況復氣蕭森

捲地朔風來漫天暮景催冷分冬後雪孤對臘前梅未把愁

眉展翻將笑口開
人情相見熱莫覆掌中杯
襖被相依久常眠
自在身劇憐燈下影
恐是夢中人
歲晏知通塞
心閒任屈伸
一陽今漸復
好盼眼前春

舟泊阜河

庾樓此地隔重關
嘯咏如何付等閒
村市半藏衰柳岸
客船孤繫夕陽灣
荒雲歷亂砧初起
倦眼模糊鳥獨還
回首竹西秋有色
丹楓十里到平山

林

諱閻公字苑西號蘭汀大田公第三子行五江都稟貢生氣岸高邁才力精敏大田公官廉多負爾汀公與諸兄弟節館穀所入償之亦善書工詩所著有蘭汀詩存三卷子悅曾怡曾業儒

題涇上朱遠仲參軍斜月杏花屋卷子

淡烟疎雨濕江城
深巷人家燕子聲
他日攜樽重過訪
牧童指處定分明

題方笠塘無數青山拜草廬冊子

當門七十二芙蓉片片飛來濕翠濃
一夜草廬春雨足曉天青徧隔江峯

同阮湘圃妙丈游洋南竈

范公堤上馬初停極目滄波倦眼醒
遠水雲連陰氣合殘烟沙盪暮潮腥
古盤低泛千層雪破竈高懸一縷青
十五年前帆卸後海天風雨又重經

余壬午年由五虎門抵乍浦入口

題徐補園獨立圖

丈夫不得志鬱鬱靡所從矯矯厲貞操
浩氣凌長空譬彼陟泰嶽丸丸萬壑松
譬彼登龍門稜稜百尺桐人生苦形役愧
不草木同感君獨出意吾心亦豪雄

江習隅舟下南沙偶得風雨泊吳陵之句同人爭續以

詩

一棹邗江下篷窗試共憑烟雲連海甸風雨泊吳陵亂響荒
城鼓遙明隔浦燈最憐今夜客鄉夢亦何曾

秋杪晤江習隅於南沙旅舍以匆匆舟返赤岸悵然有
懷書此以寄

才華如此合稱郎況是文通姓氏香曠達襟期宜兩晉縱橫
詩格近三唐水雲南浦花生筆風雨吳陵錦貯囊記取潮墩
畱後約時約遊洋南未赴烟波萬頃接天光

河橋分袂最關情執手翻嫌別太輕雙槳劃開秋水遠一帆
歸去暮潮生客中縞紵成知己海內文章有弟兄遙識元方
頻問訊謂令兄玉輦雁行過處悵雲平

贈白沙薛漁莊

居然大米出門時書畫堆船放櫂遲紅樹客吟烟外景青燈

人寄雨中詩漫來東海招徐穉謂徐補圃未到寒天訪戴逵謂戴西堂

記得鑿江曾載酒旗亭都唱玉關詩

林

諱閩

公字歲成號桐江大田公第四子行六江都廩生孝弟純謹工詩卒于江西所著有桐江詩草一卷

子報會業儒

韓城旅次

一路青山不記名匆匆又駐古韓城客中此地愁行李列國當年事戰征深澗俯臨人意怯高岡直上馬蹄輕最憐殘月無多影照我還家第幾程

步朱若水蘇園雅集元韻八首

聞道名園好今過畫檻東迴廊人暗度曲徑路潛通桐葉翻新綠榴花放小紅只期逢令史誰料阮生窮

不逢黃叔度鄙吝幾經春
手捧琳瑯句心驚筆墨神
敢將窺蠹見漫作續貂人
但憶高吟處他時一寄身

結構城闔側眞成君子居
松風吹短袖竹露滴輕裾
杜牧才何捷陳蕃榻未虛
公餘尋勝概長嘯有誰如

幕府消閒晝攤書傍石牀
疎窗人欲倦清簟夢偏長
坐擁樓前月身披閣下涼
香名從可飲無計共飛觥

三徑饒幽趣苔痕石上明
捲簾容舞燕倚樹待啼鶯
小憩情俱適高談氣轉清
得君同嘯咏良願慰平生

賓主聯詩社相看總舊緣
唱酬逢此日風雅憶當年
揮麈聞長笛焚香引素弦
蓮花池上客俊逸讓君賢

名噪江南北衙齋乍締交
文章精矩矱詩律細推敲
雅韻春生座澄懷月挂梢
雲霄非路迴休便志衡茅

佳辰畱好句，雜誦興偏幽。官閣三更夢，江城五月秋。知君原似鶴，愧我不如鷗。願待瞻韓日，蠅鳴次第酬。

寄懷蘭汀仲兒

一封書寄海東頭，萬頃蒼茫感素秋。但使田文能愛客，不教王粲賦登樓。鏡中憔悴清于鶴，客路支離拙似鳩。惆悵經年成久別，西風日日盼歸舟。

百里關河每見憐，行行雁足白雲邊。爲慚兄弟如萍梗，多恐功名付水煙。入眼蘆花迷古道，驚心楓葉冷江天。懸知異地懷鄉切，月落烏啼夜未眠。

林

閱

字江樓，號秋堂，甘泉國學生。

寒雁

積雪凋殘萬木蒼，一聲嘹唳出衡陽。銜蘆未飽中田粟，避繳

常留半翅霜夜靜孤飛雲影黑沙寒斜落月痕黃上林正待
傳書到牧羝羈臣淚數行